

Bindley, II Sale - Jan. 1819

9

1493

8/6

James Bindley,
F. S. A.

Stamp =



= Office

London,
1792.

Bindley, II Sale - Jan. 1819

9

1493

8/6

James Bindley,
F. S. A.

Stamp =



= Office

London,
1792.

In Wood's Athenae vol: 11.
p 917. - is an account of
Thos. Gilbert, the Editor
of this Book, with some
curious particulars con-
-cerning both it, & him.

J. B.
1792.

Libellus rarus.



Mandat porro Pontifex nempe Hadrianus scilicet Franciscus Cheregato Fabrianensi Episcopo. Publicis Comitibus 25. Novemb. an. 522. Norimbergæ habitis Nuncium agentem in-
genue ut fateatur ex Peccatis hominum maxime Sacerdotum &
Præsulum natam hanc Rerum perturbationem; etiam in ipsa
Sancta Sede ab aliquot annis abominanda pleraque perpetrata,
multos fuisse abusus in Spiritualibus, multos excessus in
Præceptis; denique omnia sic in deterius mutata, ut Lues à
Capite ad Membra, à summis Pontificibus, ad minores Præ-
sules devergens latè se diffuderit, ac vix unus aliquis repe-
riatur rectè faciens, atque ab ea tabe immunis. Hæc ab ip-
sius Nuncii Ephemeride transcripsit Petr. Suav. (sive Sarp.)
in Hist. Concil. Trid. lat. red. pag. 20.

Quæ tunc facies Sanctæ Ecclesiæ Rom. quàm sordidissima!
cum Romæ dominarentur potentissimæ æque, ac sordidissimæ
Meretrices, quarum Arbitrio mutarentur Sedes, darentur
Episcopi, & quod auditu horrendum, & infandum est, intru-
derentur in Sedem Petri earum Amasii Pseudo-Pontifices,
qui non sint nisi ad consignanda tantum tempora in catalogo
Romanorum Pontif. Scripti. ad An. 912. Num. 14. Lit. D.

Et paulo post. Qualesnam veris delectos ab hisce Monstris
Presbyteros, Diaconos, & Cardinales fuisse putandum: cum
nihil tam Naturæ insitum sit, quàm unumquemque sibi Simi-
lem generare.

Dormiebat tunc plane alto (ut apparet) sopore Christus in
nati — Et quod deterius videbatur, deerant qui Domi-
num sic dormientem clamoribus excitarent Discipuli. —
Et optasse hos omnes Dominum dormisse semper. & nunquam
in Judicium surrecturum,

Deus Æternæ, nisi vigilares, quam male esset Mundo?
quem Regimus nos, ego miser Venator, & ebriosus ille, &
Sceleratus Julius? Maximilianus Imp. referente Prideauxii

K

JULIUS SECUNDVS. DIALOGUS

Viri cujuspiam *Eruditissimi* festi-
vus sane acelegans, cujus hoc est Argu-
mentum. JULIUS II. P. M. pulsatis gnaviter
post mortem Cœli foribus, ab Janitore D.
PETRO intromitti nequivit: quanquam dum
viveret *Sanctissimi*, atque adeo *Sanctitatis* no-
mine appellatus, totque *bellis* feliciter gestis *Precela-*
rus, Dominum Cœli futurum se esse speravit;
Verum, ut *Satane* Mancipium, in imum
Barathrum Caco-Dæmonibus
traditur detrudendus.

Interlocutores } JULIUS.
 } GENIUS.
 } D. PETRUS.

Lector, risum cohibe.

Editio altera aliquantulum audior, multoq; emendatior.

Novum Dialogo præfixum est *Colloquium* Di-
alogistæ, qua fieri potuit, *Exploratorium*, quem
Magnum illum fuisse ERASMUM conjecturis
longe *luculentissimis* efficitur.

OXONIÆ.

Excudebat H. Hall, Impensis Th. Gilbert. 1669.

UNIVERSITY

OF THE

of the University of the State of New York
in the City of New York
for the year 1846
the 21st day of May
1846



Resolved, That the sum of \$100,000
be appropriated for the purchase of
books for the University of the State of New York
for the year 1846

Witness my hand and the seal of the University of the State of New York
this 21st day of May 1846

Ad Iulium II. Redivivum.

IRe vel optares tecum tua *Facta* sub *umbras*,
Sed *purgatrices* passa nec ista *faces*:
Sordescis post *Fata* *Ligur*, nam *Iulius* exis:
A *prælo*, in *Cathedrà* qui modo *Cæsar* eras:
Has lego dum *chartas*, fileant *Diplomata* *Juli*,
Cedit *Colloquio* vel tua *Bulla* tuo.
Hic *falsum* Te *Roma* *Patrem*, *verumq;* *Nepotem*
Te videt *incestus* *Sixtus* ab usque *thoro*.
Teque *triumphanti*, *victrix* *Bononia* *plorat*:
Te *gravior* *Venetis* nulla *Procella* *vadis*,
Te *presente* nequit *rubros* *gestare* *Galeros*,
Rubra *Cohors*, *statu* *stantque*, *caduntq;* tuo.
Tu *Mare* *turbasti* *corum* *Piscator*; & *undis*,
Non *pariter* *Petra*, *par* tua *nota* *Fides*.
Gallia Te *Pestem* *sentit*, *Ferraria* *Vulpem*,
Si tibi *det* *Nummos* *hæc*, *dedit* illa *Luem*.
Quæ jam *cura* *Gregis* ! *morbo*, *scabieq;* *laboras*
Dum *Pastor* *scædas* *scædior* *inter* *oves* ?
Quin Tu *pone* *pedum*, *Pastoris* & *exue* *Nomen*;
Cum fueris *notus* *Vir* *Gregis* *ipse* *Caper*.

AD FULHAM.

Quid juvat hoc strepitu Sedes turbare qui-
vin simul ut trepidant motibus Astra tuas?
Martyris Venetum Caelestis Tecta replasti;
Carnifici credis posse vacare locum?

Clave errante licet certe *Petram* esse probasti
Petram; blanda nihil verba, minare mouent.
Sedes linque *pias*; agnoscat *adultera Roma*,
Astra, vides, renunt Te *Dominum* atq; *Deum*.
 Attribuit *Latio* Terrarum mensor *Avernum*;
Juli, hunc, cum nequeas *Sidera*, jure petas.
 Triplicis hic dominum *Mitra*, triplici ore saluter
Cerberum; hic charas det quoque *Plutus* opes.

Non erit *Hereticus* tibi nunc metuendus *Eras-*
In lucem rantis qui trahat ex tenebris. (mis,

Quæ jam curæ Gævæ ! morbo, scilicet, laboras
 Dum pæsser ludas ludas inter oves ?
Scyllin fone bellum, pastoris & ovæ Mænetis ?
 Cum facies notus tibi Gævæ ipse Capet

JULIUS.

O Cyus huc *rapidis* exercitus advolet *Alis*,
Effundant *turmas* nunc mihi castra *meas*.

Julius ille ego sum, gladio qui clave *parentes*

Efficiam, *claudis* quas modo, *Petre*, *fores*.

Addantur plures, *solidis* licet, orbibus *orbes*,

Cingatur: *vallo* pallida *Luna* *novo*.

Disruppa *impliciter* *Bombardæ* *sulmine* *muros*,

Et cedent *flammis* *Sydera* *victa* *meis*.

Disruppa, *peris* quis me male perdidit *ictus*?

Quam longe a *flammis* *Sydera* *tota* *meis*?

Ah video *fecis* quam *ridet* *Erasmus* *acerbam*;

Crudeli *Celos* abstulit ille *joco*.

Quin *novus* *insurgit*, *novus* *acrior* *instat* *Eras*.

Cui *videor*, *vel* *sic*, non *satis* *esse* *miser*.

Siderea mihi *tenpe* *parum* *est* *excludier* *Anta*,

Ni quoque *Sulphureum* *deprimar* *usq;* *Lacum*?

Quam *metuenda* *Sago* *toga* *fit*, *quæ* *carcere* *clau-*

Eterno *victos* *imperiosa* *Duces*? (dic

Pontificem *supra* *scandit* *Doctrina* *Supremum*,

Sola *regit* *Cæli*, *sola* *Erebiq;* *fores*. (ti,

Quid non *docta* *manus* *valeat*, *plus* *Clave* *poten-*

Plus *gladio* *plumam* *quæ* *valuisse* *facit*?

*In Dialogum, Erasmiianum fuisse, jam
tandem deprehensum:*

*Fr*atrum turba Nothum petulans perstringat *Erasmum;*

Illius, hæc Proles est Genuina, Patri:

Imbelles Monachos gracili modulatus Avena,

Inde tonis Tragicis Arma Papamq;, canit:

Bellatorem acris sternit sub Acumine Pennæ;

Et Calami Mucro plus valet Ense Papæ:

Cernitur en nulli modo clarus honore Triumph;

Doflos post Currus, Julius ipse, trahi.

Clavigerum ludunt Claves, Cœlique patentes

Dans aliis, clausas invenit ipse, Foras:

Sedantique breves, quos ipse accenderat, Ignes;

Addidit æternos altera Dofla Manus.

*J*ulius *Astra refert sua (Cæsaris instar illi)*

Salus, qui Gessit, Vicere dignus erat.

Papa quibus vivit, Mores, quibus imperat, Ardet,

Mirum, quam liquido hæc parva Tabella refert!

*P*essime *Paparam, ne Sævi Magnæ Sacerdos,*

Optima non aliter Fabula factus eras;

Nempe bonum Cathedra nec te quis dicet, Tuli,

Te neque Colloquio dixerit esse malum:

Moribus orta malis sic Lex bonæ, sic tua, pulchrum,

Larvalis Facies cernitur, Artis Opus.

Plus nihilo Aeneæ laudavit Musa Maronis,

Heroem Cæcus Mystra vel ille suum;

Nobile quam, Juli, te nobilitavit Erasmi

Angenium (Mundus Nobile siquid habet.)

Nempe tibi Calamo, quo Cœlum occudit, eodem

Notum de Vitiis Nomen ad Astra vehit:

Luce sed Aeterna donavit & Alter Erasmius,

Aeternæ meritum dum premit in Tenebras,

Super Dialogum bene prolixum, breve
Colloquium, Dialogi potissimum Authori
rimando destinatum. Colloquentibus
Critobulo, Bibliopola.



*Rit. Isthaec, (ni fallor) Bibliopolæ
quem quæro, nova est Officina, nec
illum tamen intus aspicio; verum a-
pertis foribus, non prodisse eum fo-
ras, sed intra se in Domum recepisse,
autumo. Heus hui! ubi ubinam ille est, qui hic
habitat, Magus? Opprtune admodum salutandus
ades. Bib. At num, quod detonantẽ modo inaudiui,
Magi Nomine? Magosne quæso, inter Bibliopolas,
praesertim Oxonienses, quarendos censes? Crit. Imo
& inveniendos, te saltem, qui Voti sui compotem
fecisti Julium, Atque nunc quoque (inquit pag.
10.) utinam Magus aliquis me in vitam resti-
tuat. Te (inquam) qui lx. prope supra c. jam
annos mortuo, hoc illi tandem praestitisti Offici-
um, quid quæso Mago minus suspicari queam? Bib.
Ipsam sanè Julium Luciferi permissimus Genera-
lem agere apud Inferos Vicarium, utpote huius
multo aptiorem Muneri, quam vicibus istis, Spiri-
tui Sancto propriis, Christi in Terris, gerendis: Di-
alogo solum (si bene unquam apud Nostrates
noto, oblivione saltem non longiori, quam altiori
sepulto) è tumulis suscitando, recentique, (qua dig-
nus est) vitæ restituendo operam (eamque satis
A honestam)*

honestam) impendimus : Verum si quid Magica
valerem Arte, te Δαίμονα plane Criticum, meum
jam infra circulum nactus, quot vexato *Questio-*
nibus Responsa tibi extorquerem? Crit. Consul-
turus fortean, ut Hermolaus olim Barbarus na-
etus colloquium Dæmonis, quid sibi velit Aristo-
telis *Ἠρακλεία*? Bib. Imo ne latum quidem Pe-
dem Dialogi Pomæria consultando transgressu-
rus, quem è Preli utero (ut in humanis etiam fit
Partibus) lachrymantem expressum, deterfa non-
dum facie, ad tuas (vere mihi amicissimas) trans-
misi manus. Crit. Ast ego vel sic lepidam Libelli
frontem subridens primum intutus, avidis mox
oculis Totulum devoravi; cum Gaudio legi, abs-
que Tædio relegi: Ac proinde cum Amicitia no-
stra Vinculis, tuorumque in me Officiorum obliga-
tionibus Vim quandam plusquam Magicam haud
invitus inesse sentiam, tuum esto percontando
præire, Ego (qui planè Dæmon sum, non Ædipus,
quem velles, Criticus) respondendo sequi adni-
tar, quoad potero. Bib. Immerito, prorsus hac fa-
cta mihi gratia; De Dialogo imprimis sic per-
lecto quænam tua est sententia? Crit. Plane op-
tima: Nigrum, ut aiunt, suo Rubro (quod Li-
brorum paucissimis nunc dierum editis contin-
git) per omnia respondens reperi; Dialogum
scil: festivum totum, ac elegantem; Summique
Pont: Rom: Genium, atque Ingenium, Vivendi
Mores, Regnandique Artes parva in Tabella non
obscure

obscurè adumbrata, sed vivis, quod aiunt, coloribus omnia adamussim descripta exhibentem : atque adeo aliis Cordi, tibi Commodo futurum auguror. Bibl. Imo mihi maxime futurus est Cordi, si & Commodo : Cor enim est Bibliopolæ Commodum. Salva res est : Verū Nascentis recens Bibliopolæ cum primum, uti par erat, consultisti jam paucis Commoditati, Curiositati pluribus satisfaciendæ proximus detur locus : Quo tempore, qua occasione, quo denique ab Authore conscriptum existimas Dialogum ? Crit. Arduis hisce in Critica Quæsitis, quo clarius satisfiat cumulatiúsque, Erasmi Epistolas, suis subaugetas sedibus, huc mihi adporrigito, ex istis enim, inficisque ipsius Dialogi Criteriis me, tanquã ex Tripode, postulatis tuis responsurum spero. Bibl. Vin' utrumque Volumen ? Crit. Primum (edit. Flesheriana) omnes habet Erasmicas, nostro que igitur sufficiet Instituto. Bibl. Primum en tibi Volumen. Crit. En tibi vero ex lib. 12. Ep. 1., Quæsitis duobus primis ut simplex, ita & breve Responsum : Is (Dialogum intelligit) ut ex Argumento satis constat, scriptus est odio Divi Julii Pont. Max. Occasionem vide : Schismatis tempore (schismatis scil. illius ut Julio vivo orti, ita & mortuo aliquandiu manentis, ut utrumque satis liquido ex Dialogo patet) Scribendi Tempus (Vivone enim adhuc, an mortuo demum Julio scriptus sit, nihil habemus satis explorati)

minus licet definitum agnosce. Bibl. *Agnosco,*
& gratulor; magis adhuc de invento itidem
Authore gratulaturus. Crit. *Hic labor, hoc opus*
est. Aliorum primo *Sententias ex Erasmo refe-*
ram, dein perpendendam prolaturus & meam.
Bibl. *Vtrisque interim Auribus arrectis auscul-*
taturus adsto. Crit. *Quin & Oculis etiam at-*
tende, quæ præ oculis est, Epistolæ: Quidam (*in-*
quit Erasmus) testabantur Hispani cujuspian
esse, sed suppresso nomine; Rursus alii Fausto
Poetæ tribuebant; Alii Hieronymo Balbo.
Bibl. *Harum vero quanam tibi arridet Sententia?*
Crit. *Nulla hercle omnium mihi placet; nec E-*
rasmo etiam referenti placuisse ullam credo, licet
alios ita credidisse illi tunc temporis perplacuis-
set forsan maxime. Bibl. *Eo autem enixius ani-*
mi tui hac in re Sententiam expecto. Crit. *Mihi*
sane Erasmus ipse pro indubitato habetur Au-
thore. Bibl. *At quibus ducto Argumentis?* *Mihi*
equidem non desunt ad credendum valida, Jucun-
dum scil. & (Potentius adhuc Bibliopolæ To-
picum) *Utile:* Togatæ enim quisnam Gentis
tanti securus Authoris. Insolentis adeo Argu-
menti *Dialogum* quantivis redimendum non pu-
taret? mihi ergo ad credendum, ut vides, paratissi-
mo quanam tibi *Rationum Momenta* ad pro-
bandum suppetunt? Crit. *Nec paucis nitor, nec*
levibus conjecturis. *Principio Dialogorum* *Ap-*
ertior quem superius, hoc nostro, novit seculum
pene

pene solus, longe maximus erat Erasmus. Deinde
 hujus Dialogi Authorem nec Pontificiorum totum,
 nec totum Protestantium partibus addi-
 ctum, sed Semi-Papistā fuisse luculenter satis ex
 Dialogo patescit: talis vero & ipse olim erat, ho-
 dieq; pingitur Erasmus. Rursus acriter admodum
 oblique lices, in Monachos tam Franciscanos, quā
 Benedictinos invehitur Dialogista: Seculo autem
 (quo floruit) proxime elapso, quis, quāso, Monacho-
 rum Māse plane Malleusq; prater Erasmū? Nec
 in Monachos solum, ut par erat, liberius sed & in
 Monarchas, quam par erat, licentius semel locu-
 tus, nempe prioris edit. pag. 14. (tua enim pru-
 dens dispanxit) vel inde satis se prodit Author in
 Libera oriundum Repub. talē vero fuisse Erasmo
 Patriam nemo ignorat, nisi quis forte sciens Eras-
 mum, Roterodamum nesciat. Porro Dialogi scri-
 bendi Occasionem ipse (qui optime omnium no-
 vit) asserit Erasmus in Julium fuisse Authoris
 Odium. Eorum autem omnium, qui Papæ nunci-
 um plane non remisserant (dignique utcumque e-
 rant in minimam Competitionis hujus partem
 cum Erasmo venire) cedo, si potes, quempiam adeo
 exacerbati odio in Juliū animi, ac ipse erat Eras-
 mus: Hoc tibi quo constet luculentius, consule ad-
 notatas ad marginem Epistolas, quorum omnes ad
 Verbum Locos eo spectantes huc transcribere lon-
 gius esset, quam ferat brevis, qua fieri potuit, Di-
 alogi ratio: Loci tamen unus atque item alter, unde

Lib. 2. c.

1. 28.

Lib. 8. c.

9. 17. 2

novæ etiam desumenda sunt conjectura, tam levi
digito (ad marginem scil. indigitando) non sunt
prætereundi. Primus occurrit lib. 29. ep. 9. ad
Bullidianum: In præsentia quidem in Italia
mire frigent studia, fervent bella; Summus
Pontif. Julius belligeratur, vincit, triumphat,
planeque Julium agit. Præter Diæterium satis
aculeatum in vivum etiam Julii caput vibratum,
dat: est Ep. Bononiæ 15. Cal. Dec. An. 506.
eo Loci, & sub id Tempus, quibus splendidissimas
agebatur à Julio Triumphus, tantopere ab eo in
Dialogo decantatus; ex quo autem spectato Eras-
mum, ni fallor, incessit Dialogi scribendi Impe-
tus; quem vero non ita multo post revera Scrip-
tum auguror (in istam enim partem Voti pro-
pendet, si non & Judicii pondus, Julio adhuc vivo
fuisse conscriptum.) Et in Epist. ad Campeg:
Card. primum præfata (cui valde etiamnum
re intentum video) dat. an. 519. Cal. Maias.
Ante (non quam multo antè) 5. annos subdolan-
s dicit Erasmus se degustasse potius, quam legisse:
Nempe suum ipsi Dialogum nihil erat Legendi
opus: sin suus re ipsa non fuisset (sic notum est
scil. Erasmi Ingenium) cum semel degustasset,
ausim dicere, sibi ab eo iterum atque iterum legen-
do (plusquam egomet mihi) se neutiquam tem-
perare potuisse, utpote eorum nulli quos pro suis
agnovit, ullatenus concessuro. Ad Bullidianum
autem illud haud leviter animadvertendum ve-
lim

*lim. Belligeratur Julius: Belligeratur forma
Deponenti, quæ & usus est Dialogista, p. 41.
hac vero Verbi illius forma Erasmo ut peculiaris,
ita & perquam familiaris, nulli, cuius memini,
aut Classicorum veterum, aut etiam Recentio-
rum purioris, cum Erasmo, Latinitatis Magi-
strorum ullo est in usu. Nec inusitata aliis unius
solum verbi forma, tota ad verbum pene eadem
sententia (in Re prorsus eadem) Erasmo cum
Dialogista plane est Communis: Quo Major,
modo malus etiam, eo perniciosior; hanc Dia-
logistæ sententiam pag. 19. cum Erasmania illa
(Julium etiam oblique vellicante) collatam cupio
Lib. 2. Ep. 1, ad Leonem. Quo major est po-
testas, hoc perniciosior, si inciderit in hominem
vel stultum, vel malum. Adeone vero aut Ver-
borum indigus, aut inops sententiarum (utroque,
si quis alius, genere locupletissimus) censendus
est Erasmus, ut ad (obscuri nescio cujus Dialo-
gistæ Ostium emendicando quæreretur. Bib. Imo
illam Dialogistæ sententiam censendum est poti-
us ab Erasmo mutuo acceptam. Crit. Nequa-
quam; neque hoc patitur Calculus ex ipso Eras-
mo supputandus; data est enim hæc ad Leon: Ep.
3. Cal. Mai. an. 515. aliquot saltem annis,
posteaquam scriptus est Dialogus. Si Dialogista
non sit Erasmus; Erasmus, non Dialogista Plagii
Reus sit oportet. Quin tu Musices haud Ignarus
attende, quam, in eandem dictæ modo Sententia
Chordam,*

Chordam, in Sono pene opusculi, penitus in sen-
su æquoriarum Erasmus cum Dialogista porro colat:
E regione frontibus sibi invicem adversis (optime
alioqui consentientes) exhibeo Sententias, quo
facilins de Concentu, felicinsque Judicium
feras

Vide

Erasmm l.2.ep. 1.
ad Leon. Leoni simul
adblandientem, Julii-
umque eadem opera Su-
gillantem.

Dialogistam pag.
42, 43, 44 Julium
acriter insectantem.

Alii laudibus vebant
Bella à Julio 2º, vel
excitata gnaviter, vel
gesta feliciter; Victo-
rias Armis partas re-
censeant; Triumphos
Regaliter actos cele-
brent. Et paulo post:
ut maximum declara-
rit Julium totus pene
Orbis in Bella exci-
tatus.

Gloriaris te plurimū
potuisse ad discindenda
Fœdera, ad Inflāman-
da Bella, ad Strages Ho-
minum excitandas.

At fieri potest, ut Bel-
lorū Incendium per te
excitatū universū de-
niq; Mundū corripiat

Qui orbem univer-
sum ad teterrima Bella
concitaris.

Nunc tuā Bonitatē
magis sentimus cū no-
bis expressius Christi

Qui Christi Vicari-
um se facit, eum oport-
et ad illius Exemplar
refers

refers Imaginem, cuius
haud dubie Vicem ge-
ris; posteaquam ad su-
mam Bonitatem, sum-
mamq; Sapientiam, par
accessit Potentia.

Nihil potest accide-
re Pestilentius, quam
si Pravitas, ac Stul-
ticia summi Magi-
stratus armetur Au-
thoritate.

quam proxime accede-
re. Est in illo Summa
potestas, sed cum Sum-
ma Bonitate conjun-
cta; est summa sapientia,
sed simplicissima.

In te potestatis Ima-
ginē video cum summa
Malitia, summaq; Stulti-
tia copulatā, Quod si
Malorū princeps Dia-
bolus Vicariū sibi cupiat
ubrogare, quē potius
asciscat quā tui similē.

Bibl. Concentum agnosco multo magis Sym-
phonicum, quam intacta unius Barbiti chorda
cum alterius chorda ejusdem toni pulsata serva-
re solet. Crit. Eandem igitur (quod huic pro-
ximum est) agnoscas doctam Manum utrobique
præterlabentem Nervulos diversæ solum Chely-
os (pro diverso scil. Epistolæ Decoro, & Dialogi
servando) Bibl. Nec dulcius tamen edentem Me-
los, quam hac tua creare videtur instituta Sen-
tentiarum utrinque Comparatio; quam ideo ad
Serum usque Vesperum utinam & possis, & velis
producere. Crit. Hæc sane, ad quæ jam Digi-
tum meum tuumque oculum intendi, longe omnia

minus videantur perpendenda, si cum istis Dialo-
gicæ pag. 9. conferantur. Deturbaturus & Hi-
spanos (nam huc ibam) nisi me Fata terris eri-
puissent. Dic libere Bibliopola, annon idem,
& effusi Voti, & enarrati (vel quasi enarrati)
Facti censendus est Author? Imo an non omnes,
quas inter comparationem institimus (vel ipsa
de facie) Sororiæ prorsus videntur Sententiæ,
Parentemque ideo sibi jure merito vindicare E-
rasmum? Bibl. Poeta mihi responsum suggeris,
— Facies non omnibus una,

Haud diversa tamen, qualis decet esse Sororum.

Crit. Quin istis quid immoramur? Inventio,
Judicium, Sermonum elegantia, Rationum Argu-
tia, Diverbium, Sarcasmus, Lepos, Filum oratio-
nis, & Textura omnia palam Erasmiانا sunt.

Bibl. Rationes fateor plusquam probabiles,
& si non ipsas quidem Demonstrationes (quas
nec ferat fortean Argumenti Ingenium) Demon-
strationibus certe proximas. Veruntamen ani-
mo meo unius, atque item alter eximendi restant
scrupuli; sed Molestiæ magis tædioque hoc tibi
futurum vereor, quam ut hanc etiam faciendam
mihi expectem abs te gratiam. Crit. Ego vero mihi
primum expecto proponendos, mox & tibi po-
nendos spero Scrupulos. Bibl. Annon Erasmus
ipse Dialogi (tanquam partus Spuriæ ad Limen
suum positi) Parentem se negat? Crit. Prima
quidem facie, in ista ad Camp. Card. * Alteraque

*ad Tho. Morum (nostratem) Epist. Speciem præ-
se fert negantis, sed negantis frigide; nosti au-
tem, quod in veteri est Proverbio; Qui frigide ne-
gat, consentire videtur. Bibl. Quin Erasmo so-
lenne forsitan erat vehementius nihil, apertiusve
negare. Crit. Adeo falsa est hæc conjectura, ac
quæ falsissima; Aperte satis, pari casu, hacque
in ipsa ad Campeg: Epist. Lutheri librum suum
esse negat, Initio, inquit, meum esse dictitabant,
cum illic nec unus apiculus sit meus: Nec animo
solum apertiori, sed Vehementiori etiam Ac-
centu, spirituque fervidiori id ipsum alibi præ-
stat: Non dubitem omnes Diras imprecari Ca-
piti meo, si quisquam est Lutheri tam exiguus
libellus, quem totum perlegerim, si in omni-
bus, qui illi tribuuntur, ulla Syllaba mea est.
lib. 17. ep. 14. ad Paul. Bombasium: & paulo
post, Aleander indicavit mihi tribui duos libel-
los, quorum alteri Titulus est Eubulus, alteri
Lamentationes Petri; Emoriar, si unquam mihi
fuerat auditus Titulus, antequam ille protu-
lisset. Viden' ut non directe solum, sed & fervide
item negare potuit Erasmus, ubi potuit & vere:
Julium esse suum nec fervide, nec directe qui-
dem negare voluit, quia non nisi falso potuit. Bibl.
Quorsum igitur profusio hæc tot Argumento-
rum veri Authoris opinionem à se amolientium?
Crit. Dicam equidem quod sentio: Veracior erat
Erasmus, quam ut negaret, prudentior, quam*

ut agnosceret; præsertim rigidis duobus Papistis
Campeg: atque Moro, quorum iste supremæ Ro-
mani Pont. potestati tuendæ strenue propugna-
bat; Ille sibi acquirendæ avidè inhiabat. Bibl.
Verum en tibi Erasmus Campegio disertis ver-
bis negantem suam esse Phrasin. Crit. Phrasin
forte suam consulto aliquantillum dissimularat,
at cæcus plane sit oportet in Re Critica, qui pone
tenuem adeo dissimulatæ Phrasis larvam, Eras-
mum non videat; nec ipse interim, ut vides, dis-
fitetur Erasmus, quin Oratio nonnihil referat
Erasmicum; cum revera nihil referat non Eras-
micum, præterquam quòd Erasmus forte dissi-
mulaverat. Bibl. Veniam obsecro, des mea vel
Imperitia, vel Curiositati jam ultimo quarenti:
Quid tot fictis Authoribus (si modo fictos omnes
norat, semetipsum autem verum Authorem) tri-
butum diceret Dialogum? Crit. Nimirum, ut in
tanta fictorum turba (sic enim sua interfuit)
Verus ipsemet Author securius delitesceret. Ve-
rum cum tu jam percontandi demum finem feceris,
mihi unum hoc sciscitanti responde: Unde præ-
stantissimi hujus Dialogi excudendum nactus es
Exemplar? Nam vix unum aut alterum Mare
huc nostrum tranarunt Britannicū; Jesuitis forte
pro Arte, ut audio, istis (alias inter quampluri-
mas) solenni, omnia, ubicunque Gentium essent
reperienda, sedulo præmentibus; non tam eo
consilio ut sibi compararent, quam ut nobis tantū
Thesaurum

Theſaurum adimerent. Bib. Nactus ſum (colendiſſimi Amici munere) ex Inſtructiſſima viri Illuſtriſſimi Bibliotheca, bonarum omnium literarum Cultoris pariter, ac Fautoris eximii; præſertim Proprietatis Latine, Puritatiſque nihilo infra Togatorum optimos (multo ſupra Equeſtris ſui ordinis, quos novi, Maximos) Magiſtri; Nomen interim, pro Candore tuo, reticendum quaſo permittas, cum (Amico peregre longum iter proſecto) nihil quicquam hac adhuc in parte, de Equitis ampliſſimi Voluntate exploratum habeat: Julium aliqui Bellatorem de Reb. pub. à ſe Regibuſq; victis toties olim triumphantem, ad illius Nominatim Pedes provolutum (in Epistoſa nempe Dedicatoria) Patrocinium ſupplicem modo obſtaturum ſtitiſſem. Crit. Niſi tuam ſatis probarem Prudentiam, meam nimium Imprudentiam proderem; eademque ſat ſcio conſulta te uſurum in Arcanis Taciturnitate, ſi quid itidem de Dialogi in Piſcem pene (abrupte ſatis intelligas obtuſeque) prius deſinentis adjecto nuper Colophone (eoque reliquo, quod mihi videtur, Dialogo jam neutiquam indigno) conſulerem: Itaque Val — Bib. Plane, quod res eſt, ſentis, me nec hic quidem invito quidquam Authore auſurum; Vale tamen tuum auſus ſum (nimium palam impudens) vel ſemiprolatum interrumpere; nec, inopinata hac oblata mihi anſa, miſſum te facturus, priuſquam (raptis omnibus & Fidei tibi data, ac obſervan-

tix

tix tibi debite Vinculis) postremo tandem, nempe
post ultimo meū, quaſierim, quid ſibi velit, in Dia-
logo præſertim Eraſmiano, Cauda, capitiq; ac cor-
pori (Epilogus, intelligo, Prologo, toti; præterea
Dialogo) ſic prorſus abſimilis? Cri. Liceat mihi jã
nimiũ plane feſtinanti vel uno, eoq; tumultuario,
dicere verbulo: Indiciũ opinor minime flacceſcētis
Nobilis Eraſmo Ingenii, ſed vel fluctuantis con-
ſciētiæ an ſuo abſq; peccato licuit, vel vacillantis
ei prudentiæ Argumentum an ſuo ſine periculo
potuit ſulium, ludicre ſatis jam Cœlo excluſum,
laſcivienti etiamnum audacius calamo aut mor-
tuum damnare, aut vivum etiam fortassis prædã-
nare (omnium licet dum viveret perditiffimum)
æternæ, ipſa in Gehenna, perditioni ſubcunda;
an ſatius faceret, conſultinſq; mitius aliquanto de
illo ſtatuens, temporariis ſcil. (quos forte Eraſmus
etiam ipſe, non omnia videns, credidit) purgandum
Ignibus tradere. Hac inter cogitata (quæ novæ,
quiſquis erat, Coronidis Fabrũ neſtquam tenere
ſuſpenſum) animi dubius herens Eraſmus, Cœlo
ſolummodo excluſum, nec Tartaro adhuc, necdum
Purgatorio concludendum miſit, ſed inter ut-
rumq; (quid de ſe ſtatnendum foret incertum)
hac illac errabundum (ut Cœlum inter Orcum-
que Eraſmum ipſum Papicolæ depingunt
pendulum) abrupte ſatis dimiſit ſulium.
Valeas jam tandem (Vale meum me paſſurus elo-
qui. Ingenioſe Bibliopola; multosque huius ſimiles

*Libellos typis Librosq; mandes. Bib. Valeas, Cri-
tobule Insignissime, valeas, sed meis prius bene o-
nustus Gratius, qui Dialogo meo Authorem su-
um Erasmus, Authori suo Erasmo Dialogum
meum (in Gratiam meam Commodumque)
operose adeo vindicasti, iuste adeo restituiſti.*





INTERLOCUTORES
JULIUS II. GENIUS,
ET D. PETRUS.



JULIUS II. P. M. Quid hoc mali est? non aperiuntur *fores*? Opinor aut *mutatam*, aut certe *turbatam* *seram*. GENI. Quin potius vide, ne tu non attuleris *clavem* quam oportet; neque enim eadem aperitur *hoc ostium*, qua *arca numaria*; atque adeo cur non utramque huc attulisti? nam ista quidem *potentia* clavis est, non *scientia*. JUL. Imo mihi præter *hanc* nulla unquam fuit: neque video quid opus sit *illa* quum *hec* adsit. GEN. Nec ego sane. nisi quod interim excludimur. JUL. Effervescit mihi *bilis*, pulsabo *fores*. Heus heus, aperite hoc actutum aliquis *ostium*. Quid hoc rei est? nemon prodit? quid ita cessat *hic janitor*? stertit opinor adprobe potus. GE. Ut hic ex se metitur omnes. PE. Bene habet quod *portam* habemus *adamantinam*, alioquin *fores* hic, quisquis est, perfregisset, *Gigantem* aliquem, aut *satrapam*,
B urbium

urbium everforem oportet adesse. Sed ô Deum immortalem, quam hic *cloacam* olfacio. Non statim aperiam ostium, sed hic è fenestella cancellata prospectans, quid *portenti* sit cognoscam: *Quis es?* aut *quid tibi vis?* JU. Quin tu fores aperis quantum potes? qui si tuo fungi voluisses officio, obviam oportuit venisse vel universa *Cœlitum* pompa. PE. Satis imperiose. At tu mihi prius exponito quisnam sis. JU. Quasi vero ipse non videas.

PE. Videas? Ego verò novum & hætenus non visum *spectaculum* video, ne dicam *monstrum*.

JUL. At ni plane cæcus es, agnoscis opinor *clavem* hanc, si quercum auream ignoras, Et vides *triplicem coronam*, nec non undique gemmis & auro lucentem *pallam*. PE. Equidem argenteam *clavem* utcunque agnosco, licet & *solum*, & multo dissimilem *is* quas olim mihi *verus* ille *pastor* ecclesiæ tradidit *Christus*. Porro *Coronam* istam tam superbam, qui quæso possim agnoscere? quam nec *barbarus* unquam *tyrannus* ausus est gestare? ~~Nedum~~ is qui *huc* admitti postulet. Nam *palla* quidem ista nihil me moveret: qui *gemmas* & *aurum* perinde ut *rudera* semper calcarim, atque contempserim. Sed quid est hoc? video passim & in *clavi*, & in *corona*, & in *palla* notas sceleratissimi *cauponis*, & *impostoris*, mei quidem *prænominis*, sed non *instituti*,

instituti, *Simonis* potius quem ego quondam Christi præsidio de jeci. JUL. Mitte *nugas* istas, si sapias: nam ego si nescis, sum *Julius* ille *Ligur*, & agnoscis, ni fallor, duas literas. P. M. nisi omnino literas nullas didicisti. P. E. Significare opinor, *Pestem Maximam*. GE. Ha ha he, ut hic *divinator* rem acy tetigit. JUL. Imo *Pontificem Maximum*. PET. Ut *ter maximus* sis, ac magis etiam quam *Mercurius* ille *Trismegistus*, huc non recipieris: nisi fueris *optimus*, hoc est *sanctus*.

JUL. Atque adeo si quid ad rem pertinet appellari *sanctum*, nimium impudens es, qui mihi cuncteris aperire fores: cum tu tot jam seculis tantummodo *sanctus* dicaris, me nullus unquam vocarit, nisi *sanctissimum*. Extant sex millia *bullarum*.

GE. Vere *bullarum*. JU. In quibus non semel *sanctissimus dominus* nominor, imo jam *sanctitatis* nomine denotabar, non *sancti*: ut quicquid mihi libuisset. CE. etiam *temulento*. JUL. id *sanctitatem* *sanctissimi Domini Julii* dicerent fecisse.

PE. Quin tu igitur ab istis adulatoribus *caelum* postulato, qui te *sanctissimum* fecerunt; & iidem tribuant *felicitatem*, qui dederunt *sanctitatem*. Quanquam usque adeo nihil interesse censes, dicaris *sanctus*, an sis? JUL. Irritor. si vivere modo licuisset, ego tibi istam nec *sancti-*

tatem inviderem, nec felicitatem.

PE, O *vocem sanctissimæ mentis indicem*:
 quanquam & alioquin ego te jamdudum oculis
 totum collustrans, multam *impietatis*, nullam in
 te *sanctimonie* notam animadverto. Quid enim
 sibi vult novus iste *comitatus*, tam non pontifi-
 cius? nam viginti ferme millia tecum adducis:
 nec ullum in tanta conspicio turba, cui vel *vul-*
tus sit Christianus. Video teterrimam homi-
 num colluviem, nihil præter fornices, teme-
 rum, ac pulverem bombardicum olentium.
Latrones conductitij mihi videntur, vel *larvæ*
 potius *tartaræ*, huc ab *inferis* erupisse, ut cœ-
 lo bella moveant. Jam te ipsum quo magis ac
 magis contemplor, hoc minus ullum video Apo-
 stolici viri vestigium. Principio quid hoc *monstri*
 est, quod cum *superne sacerdotis* ornatum
 geras, idem intus *armis* cruentatis totus horres,
 crepāsque? Ad hæc, quam *truces* oculi, quam
contumax os; quam *minax* frons, quam *elatum*
 & *arrogans* superciliū. Nam *pudet* dicere, ac *piget*
 interim videre, nullam corporis partem non
 conspurcatam notis *prodigiosa*, ac *abominan-*
de libidinis. Ut ne dicam, quod etiamnum
 totus & ructas, & oles *crapulam*, & *temetum*,
 ac mihi quidem modo *vomuisse* videris. Utique
 is est totius corporis habitus, ut non tam *etate*,
*morbi*ve, quam *crapula* vietus, marcidus, ac fra-
 ctus videaris. GE. Ut graphice hunc suis de-
 pinxit

pinxit coloribus? PE. Tametsi video te jam-
dudum mihi *supercilio* minantem, tamen haud
queo reticere, quod sentio. Suspicio pesti-
lentissimum illum *Julium* ethnicum ab inferis
rediisse *personatum*, ut me rideat: adeo tibi cum
illo conveniunt omnia.

JUL. *Ma. di. si.* PE. Quid dixit? GE. Ira-
tus est. Ad hanc vocem nemo *cardinalium* non
fugitabat: alioqui *fustem* illum *sanctissimi* sen-
surus, præsertim à *convivio*. PE. Tu mihi vide-
re probe callere sensum hominis: proinde dic
mihi, quis es?

GE. Ego sum *magnus* ille *Julii* *genius*. PE.
Imo *malus* opinor. GE. qualiscunque sum, *Ju-*
lianus sum. JUL. Quin tu *nugas* istas missas fa-
cis, ac *fores* aperis? nisi mavis *effringi*, quid multis
opus est? vides *cujusmodi* ducam *comites*? PE.
Sane video *latrones* exercitatissimos. Verum ne
sis *inscius*, hæ *fores* tibi sunt aliis *armis* expug-
nandæ.

JUL. *Verborum* inquam, jam satis. Ni *propere*
pares, excommunicationis *fulmen* vel in te tor-
quebo, quo summos aliquando *reges*, atque adeo
regna terrui. *Bullam* vides jam in hæc para-
tam? PE. Quod malum *fulmen*, quod *tonitru*,
quas *bullas*, quas *ampullas* mihi narras obsecro?
nam istorum nihil unquam *audivimus* à Chri-
sto. JUL. At *senties*, nisi pares.

PE. Si quos olim istis *fumis* territa stii, nihil ad

hunc locum, hic veris agas oportet: benefactis, nō maledictis hæc arx expugnatur. Sed quæso te, tu mihi fulmen excommunicationis minitaris? dic quo jure? JUL. *Optimo, quando jam privatus es, nec aliud quam quilibet privatus sacerdos, imo ne sacerdos quidē, utpote consecrandi impotens.*

PE. *Nempe quia mortuus opinor.* JVL. *Videlicet* PE. *At ista quidē ratione, nihilo mihi præstas plus quā mortuus.* JV. *Imo quamdiu cardinales de novo pontifice subrogando litigant, mea est administratio.* GE. *Vt adhuc vita somnia somniat.* JV. *Sed jam aperi inquā.* PE. *Ni merita narras, inquam, nihil agis.* JVL. *Quæ merita?* PE. *Dicam. Excelluisti doctrina sacra?* JVL. *Minime: nec hoc vocabat tot occupato bellis: verum abunde satis est fratrum, si quid hoc ad rem pertinet.*

PE. *Ergo vitæ sanctimonia multos Christo lucrifecisti?* GE. *Tartaro quā plurimos.* PE. *Claruisti miraculis?* JV. *Obsoleta loqueris.* PE. *Pure orasti & assidue?* JV. *Quas nugas hic gannit.* PE. *Jejuniiis quoque vigiliisq; corpus emacerasti.*

GE. *Define quæso frustra hæc apud hunc, ne ludas operam.* PE. *Ego alias egregii pontificis dotes non novi: si is habet magis apostolicas, narret ipse.* JV. *Quanquam indigna res est.* *Julium* *illum omnibus antehac invictum, nunc Petro cedere, ut ne quid aliud dicam, piscatori, ac pene mendico, tamen ut cognoscas cujusmodi contempnas principem, audi jam paucis. Principio*

Ligur

Ligur sum, non ut tu *Judaus*; unumque mihi vel hoc tecum esse commune doleo, quod *naviculator*, aliquando fuerim.

GE. Nihil est quod graviter feras, nam hic quoque permultum interest, quod hic *victus* parandi gratia piscabatur: tu ad *stipem* exiguam scalmum remis subigebas. JVL. Deinde *Sixti* pontificis *vere* maximi. GEN: De *vitiis* sentit. JVL. è *sorore* nepos. Hujus singulari favore, meaque *industria*, primum ad *ecclesiasticas* opes, deinde per gradus ad *Cardinalitii* *Galeri* fastigium sum eVectus: post multis fortunæ procellis exercitus, ac durissimis casibus sursum jactus ac deorsum, ac præter alios morbos, *comitiali* quoque obnoxius. Denique scabie quoque (quam *gallicam* vocant) totus opertus. Ad hæc exul, invisus, damnatus, omnibus abjectus ac pene deploratus, Tamen ipse de *summo* pontificio spem nunquam abjeci: ea erat animi fortitudo. Quñ tu *muliercula* voce territus, statim cesseris. Tibi mulier *animū* ademerat: mihi mulier quædam fatidica, sive sortilega, *fiduciam* hanc addiderat: quæ quondam tot merso malis, clam insusurravit in aurem. Perdura *Juliane*, nihil te pigeat vel *facere* vel *pati*: olim triplici *corona* decoraberis, eris *rex* regum, & *dominus* dominantium. Neq; vero me fefellit vel mea *spes*, vel illius *vaticinium*. Huc quoq; præter omnium spem sum eluctatus, partim ope *Gallorū* qui *re-*
jellum

jectum foverunt, partim inæstimabili vi pecuni-
 arum, non absque multo conflata fœnore : nec
 id abique ingenio tamen. PE. Quod ingenium
 narras? JUL. Hoc est, non absque promissis ex
 pacto sacerdotiis, atque in hoc repertis ex arte
 fide jussoribus : quandoquidem tam ingentem
 pecuniam vix Crassus ipse præsentem totam
 numerasset. Verum hoc frustra tibi narro,
 quum ne omnes intelligant mensarii. Habes
 quo modo pervenerim. Jam in Pontificatu ita
 me gessi, ut nemo sit, non dicam priscorum il-
 lorum Pontificum, qui solo titulo mihi videntur
 fuisse Pontifices, Sed nec recentiorum, cui tantum
 Ecclesia, tantum Christus ipse debeat, quantum
 mihi. GE. Vt Thrasonem agit bellua! PE. Ex-
 pecto quorsum evadas. JU. Nam multis officiis
 (sic enim vocant) novis repertis, non mediocri-
 ter auxiliis pontificiū, Tum rationē inveni,
 ut citra Simoniam vitium episcopatus emerentur.
 Nimirum constitutum est à majoribus meis, ut
 cui contigerit episcopatus, is deponat officium,
 id ita sum interpretatus, deponere juberis : at
 non deponitur quod non habes, emendum igitur
 quod deponas. Hac arte singuli episcopatus, se-
 na statim, aut septena ducatorum millia adfe-
 rebant : præter illa quæ ex more pro bullis ex-
 torquentur. Tum ex nova moneta (qua totam
 explevi Italiam) non exiguum emolumentum
 conflagi : nec ulla cessavi parte in accumulandi-
 dis

dis pecuniis. Nimirum intelligens absque his nihil recte geri, neque sacrum neque profanum. Et ut ad *majora* veniam, Bononiam à *Bentivolis* occupatam *Romana* sedi restitui. *Venetos* ante *invictos* omnibus, mari *contudi*. *Ferrariæ* ducem diu male vexatum bello propemodum in *Nasam* illexeram. *Conciliabulum* schismaticum *simulato* contra *concilio* feliciter elusi, & clavum (quod dici solet) clavo pepuli. Postremo *Gallos*, tunc orbi *formidabiles* universo, ex *universa Italia* deturbaui: deturbaturus & *Hispanos* (nam huc ibam) nisi me *Fata terris* eripuissent. Atq; hic quoq; quam *invictum* præstiterim *animum*, vide. *Gallis superioribus* latebras circumsp. stare cepi, *Canam alebam barbam*, rebus propemodum in *desperationem* adductis, cum repente nuncius affertur *aureus*, apud *Ravennam* aliquot *Gallorum* millia trucidata, ibi revixit *Julius*. Ad hæc per triduum ferme pro mortuo habebam, etiam *michi*: atque hic quoque rursus præter omnium atque adeo *meam* etiam *spem* revixi. Tantum igitur valet mea vel *authoritas* vel *astutia*, ut hodie nemo sit *regum christianorum*, quem non ad arma concitaverim, ruptis, discissis discussis, *foederibus* omnibus, quibus inter se fuerunt exactissime conciliati. Proximo quoque *foedere* (quod *Cameraci* inter me, & *Gallorum*, & *Ro.* regem, aliosque coierat *principes*) ita *abolito*, ut ejus ne
mentio

mentio quidem unquam sit facta. Super hæc omnia, quum tantum aluerim *exercitum*, tot splendidissimos *triumphos* adornarim, tot exhibuerim *ludos*, tot locis *edificaverim*, tamen *moriens* reliqui quinquagies centena millia *ducatorum*: majora gesturus, si *Judeus* ille *medicus*, qui diu mihi *vitam* arte sua *prorogarat* amplius *proferre* potuisset. Atque utinam nunc quoque *magus* aliquis me in *vitam* restituat, quo egregiis cœptis meis *colophonem* liceat imponere, tametsi *moriens* sedulo id curavi, ne *bella* per me toto orbe concitata *componerentur*: dedique operam, ut *pecunia* in eum duntaxat *usum* essent iucolumes, hæc erat suprema vox animam exhalantis. Nunc & sic de *Christo*, de *ecclesia* merito *pontifici*, gravare *Christi* fores aperire? Atque hæc magis admirabitur, qui perpenderit me hæc *sola* animi *virtute* perpetrasse, nullis aliis adjutum *adminiculis*, quibus alii fere solent. Non *natalibus*, quum ne ipse *patrem* norim: quod quidem ad *gloriam* meam dixerim; non *forma*, quum *larvalem* faciem omnes *exhorruerint*: non *literis*, quas nunquam *attigi*: non *corporis* viribus, quod mihi tale contigit, quale superius descripsi: non *etatis* favore, senex hæc gessi: non *aura populari* velificationem faciens, nam nemo non *oderat*: non mea denique *clementia* aliorum *gratiam* concilians, nempe qui adeo fuerim *inexorabilis*, ut in
eos

eos quoque *savierim*, quibus alii solent omnia
permittere. PE. Quid hoc rei est? GE. Hoc
 tametsi *durum* videtur, *molle* quiddam est. JUL.
 Sed reluctante fortuna, ætate, corpore, brevi-
 ter *diis* atque *hominibus*, solo tamen *animo* fre-
 tus meo & *pecuniis*, hæc tanta paucis annis ges-
 si: tanta relictæ materia posteris, ut sit quod
 agant illi in decimum annum. Hæc de meipso
verissime quidem, sed *modestissime* dixi, quæ si
 quis eorum, qui *Romæ* solent apud me *dicere*,
 suis *phaleris* exornasset, *Deum* audires, non *ho-*
minem. PE. *Invictissime bellator*, quoniam mihi
 nova & inaudita sunt omnia quæ narras, quæ-
 so veniam hanc meo des vel *stupori* vel *imperi-*
tia: ne molestum sit crassius de singulis per-
 cunctanti respondere. Qui sunt isti *candidi*,
comatulique? JUL. Hos quidem *animi* causa
 alebam. PE. Qui *nigri* isti & *cicatricosi*? JUL.
Milites sunt ac *duces*, qui *mea* & *ecclesiæ* causa
 fortiter in *bello* mortem oppetierunt, partim
 in expugnanda *Bononia*, complures in prælio ad-
 versus *Venetos*, plærique apud *Ravennam*: qui-
 bus omnibus vel ex *pacto* debetur *cælum*: si
 quidem jampridem magnis *bullis* sum pollicitus,
 recta in cælum evoluturos, quicumque *Julii* an-
 spiciis pugnarent, etiã *quacunque* vita præces-
 sisset. PE. Proinde quantum conjectura con-
 sequor, ex istis erant qui mihi sæpius ante tuum
 adventum *molesti* fuerunt (dum huc tantum
 non

non vi conarentur irrumperere) *plumbeas* quasdam *bullas* ostentantes. JUL. Ergo non *admisisti*, quantum audio. PE. Ego ne? ne unum quidem *istius* sane generis. Nam ita me docuit Christus, has fores aperiendas non his, qui *plumbo* graves huc adducunt *bullas*, sed qui nudos *vestierunt*, esurientes *paverunt*, sitientibus *potum* dederunt, captivos *inviserunt*, peregrinos *collegerunt*. Etenim si eos quoque voluit excludi, qui in *nomine* suo *prophetarint*, qui *demonia* ejecerint, qui *signa* fecerint, tu censes admittendos; qui tantummodo huc afferunt *bullam*, *Julii* nomine? JU. Quid si Scissem? PE. Intelligo, si quis ab inferis reversus, ea tibi nunciasset, *bellum* indixisses etiam mihi. JUL. Quin & *excommunicassem*. PE. Sed perge, cur *armatus* ipse? JUL. Quasi nescias summo pontifici *utrumque* esse *gladium*, aut nisi velis bellare *nudum*. PE. Sane cum istum tenerem locum, nullum novi *gladium*, nisi *gladium spiritus*, quod est *verbum Dei*.

JUL. At non idem prædicat *Malchus*, cujus auriculam absque *gladio* amputasti credo. PE. Memini & agnosco, sed tunc pro magistro *Christo* pugnabam, non pro *meipso*, pro *vita domini*, non pro *nummis*, aut ditione *seculari*: & pugnabam nondum pontifex, *promissis* duntaxat *clavibus*, nondum *acceptis*, nondum *accepto spiritu sancto*: Et tamen jussus sum *recondere*

condere, ut palam admoneret, hoc pugnae genus non convenire *Sacerdotibus*, imo ne *Christianis* quidem: verum hæc alias. Cur tam accurate te *Ligurem* esse prædicas? quasi quicquam hoc ad *Christi vicarium* pertineat, qua gente sit oriundus. JUL. Imo summam existimo pietatem, gentem meam nobilitare: proinde titulum hunc, numismatis, statuis, fornicibus, ac parietibus omnibus inscribo. PE. Ergo patriam novit qui patrem non novit? At ego initio putabam te de caelesti Hierusalem credentiū patria loqui. deq; illius unico principe, cujus optant illi sanctificari, hoc est, illustrari nomen. Sed cur addis, *Sixti* ex sorore nepotem, quem quidē hominem demiror nunquam huc accessisse: præsertim cum & summus fuerit Pontifex, & tibi tanto duci cognatus. Quare dic obsecro, quid hominis fuit? sacerdos ne? JUL. Imo miles egregius, tum eximia religionis, nempe *Franciscane*. PE. Equidem *Franciscum* vidi quondam virum inter laicos optimum, opum, voluptatis, ambitionis summum contemptorem. An pauperculus ille tales nunc habet satrapas? JUL. Tu quantum video nolis quemquam ad meliora proficere. Pauper erat & *Benedictus*, cum hujus posterī nunc adeo divites sint, ut nos etiam illis invidemus. PE. Pulchre, sed ad rem redito, de *Sixti* nepote. JUL. Consulto id facio nimirum ut obturem os illis, qui me ex illo prognatum affirmant, nimum

mium *libere*. PE. Libere, sed num & *vere*? JVL. Atqui non est istud è *pontificia* dignitate, cujus ubique habenda est ratio. PE. At ipsa sui rationem ita demum rectissime mihi videtur habitura, si nihil admittat quod jure possit opprobriari. Sed obtestor per *pontificiam majestatem* dic mihi bona fide, est ne ista jam via *vulgaris*, ac *solennis* ad summum *pontificium* perveniendi, quam modo depingebas?

JVL. Aliquot jam seculis haud fuit alia, nisi forte qui mihi successurus est, alia creabitur via. Nam ipse summum assecutus *pontificium*, statim edita formidabili *bullâ* cavi, ne quis simili ratione ad eum honorem penetraret, eam *bullam* & paulo ante mortem renovavi: quantum sit valitura, viderint alii. PE. Opinor neminem rectius id malum describere potuisse: sed illud miror, quemquam inveniri qui *munus* hoc velit *suscipere*, presertim quum tot *occupationibus* sit (audio) obnoxium, & tanto *negotio* ad id sit eluctandum. Nam *me pontifice* vix quisquam vi poterat adigi, ut *presbyteri* aut *diaconi* susciperet honorem. JVL. Neque *mirum* adeo: nam illis temporibus *census* episcoporum, & *premium* nihil aliud erat, quam labores, vigiliæ, jejunia, doctrina, sæpenumero mors: nunc *regnum* est ac *tyrannis*, & quis pro *regno*, si *spes* sit, non *dimicet*? PE. Sed age, quid *Bononia*, num à *fide* desciverat, ut fuerit sedi *Romanæ* re-
stituenda?

stituenda ? JVL. Bona verba, non hoc ageba-
 tur. PE. Fortasse *Benivolo* male administante,
marcebat resp. JVL. Imo maxime *florebat* ea ci-
 vitas, multis ædificiis aucta & illustrata, & eam
 ob rem impensius *inhiabam*. PE. Intellego: præ-
 ter *jus* igitur invaserat ? JVL. Ne hoc quidem:
 ex *pacto* possidebat. PE. Cives ergo non *fere-*
bant eum principem ? JVL. Imo *mordicus* il-
 lum tenebant : me *aversabantur* fere universi.
 PE. Quid igitur causæ ? JVL. Nempe quod il-
 le sic administrabat, ut ex immensa pecunia,
 quam a civibus colligebat, vix *paucula millia*,
 ad nostrum redirent *fiscum*. Præterea sic expe-
 diebat, ad id, quod tum temporis agitabam a-
 nimo. Itaque *Gallis* operam navantibus, &
 nonnullis meo *fulmine* territis, profligato *Ben-*
tivolo, Cardinales & Episcopos *urbi* præfeci: ut
 nulla pars emolumentorum non rediret ad usus
ecclesiæ Romanæ. Ad hæc, *titulus* & imperii di-
 gnitas antè penes illum esse videbatur : nunc
 undique nostræ visuntur *statua*, nostri leguntur
tituli, nostra adorantur *trophæa* : jam passim &
Julius saxens stat & *aneus*. Denique si spectasses,
 quam regali triumpho *Bononiam* sim ingressus,
 fortasse contemneres omnes *Octavio*rum ac
Scipionum triumphos, & intelligeres me non
 absque causa tam strenue pro *Bononia* dimicasse,
 vereque spectasses eodem tempore, & *mili-*
tantem & *triumphantem* Ecclesiam. PE. Ergo

te regnante, quantum intelligo contigit illud, quod orare nos iusserat Christus, *Adveniat regnum tuum*. Jam vero *Veneti* quid admiserant? JVL. Primum *Gracissabant*, ac me propemodum pro *delectamento* habebant, nihil non conviti-
rum in me jacentes. PE. *Verorum*, an *falsorum* JVL. Quid refert? *sacrilegium* est de Ro. Pon-
tifice, vel *mutire*, nisi in *laudem*. Denique sa-
cerdotia suo conferebant arbitrato: nullas *lites*
huc transferri patiebantur: nullas commerca-
bantur *dispensationes*. Quid multis opus est?
intolerabili jactura Romanam sedem afflige-
bant: quippe qui non exiguam insuper *patrimo-
nii* tui partem occuparent.

PE. *Mei* patrimonii? Quod obsecro mihi
narras *patrimonium*? qui relictis omnibus, *nudū*
Christū *nudus* sum secutus. JU. Aliquot inquā
oppi da sedi Romanæ debita, sic enim *peculiarem*
illam possessionum suarum *partem* sanctissimis
patribus placuit appellare. PE. Mea quidem
infamia probe vestris *lucris* consulitis. Hanc
igitur appellas jacturam intolerabilem?

JVL. Quid ni? PE. Verum erant *corrupti*
mores, *refrlexerat* pietas? JVL. Apage, de *nu-
gis* agis: imo detrahebantur nobis *infinita* du-
catorum *millia*, quot vel *legioni* militum alendæ
sufficiunt. PE. Magna sanè jactura *sceneratori*. At
Ferrariensis ille, quid tandem designarat?

JVL. Quid ille? homo omnium hominum
ingra-

ingratissimus? Hunc honorem habuerat illi
 Clitristi vicarius *Alexander*, ut alteram filiam
 illi daret uxorem: addidit *dotis* nomine lucu-
 lentissimam *ditionem*, homini alioqui ignavo:
 tamen immemor tantæ humanitatis, semper ob-
 latrabat mihi *Simoniacū Paderasten*; *Vestigalia*
 nōnulla vendicabat, non illa quidē *maxima*, sed
 tamen haud quaquam aspernanda *diligenti Pa-*
stori. GEN. Imo *Negotiatori*. JUL. Ad hæc
 quod verius ad rem pertinet, expediebat &
 hoc ad id quod parabam; Hoc imperii, *ne stræ*
ditioni copulari, propter *situs* opportunitatem:
 proinde conatus sum, hoc deturbato, *ditionem*
 eam meo *cognato* conferre, viro *strenuo*, & quid-
 vis pro *dignitate* ecclesiæ ausuro: ut qui nuper
 suapte manu *Cardinalem Papiensem* in meam
 gratiam confoderit. Nam filiz maritus sua sorte
 contentus est. PE. Quid audio? *uxores & liberos*
 habent summi *Pontifices*? JUL. *Suas* quidem
uxores non habent, *liberos* autem habere, quid
 monstri est, cum sint *viri*, non *eunuchi*? PE. Sed
 quæ tandem res excitarat *scismaticum* illud
conciliabulum? JU. Perlongum fuerit rem à
 prima repetere origine; dicam summam. Jam,
 quosdam tædere cæperat *Romane curia*: Aie-
 bant, turpi *questu*, prodigiosis ac nefandis *li-*
bidinibus, *veneficiis*, *sacrilegiis*, *cadibus*, *simoni-*
acis nundinis, undique inquinata esse omnia.
Me ipsum aiebant *simoniacum*, *temulentum*,
C
spurcum,

spurcum, mundano turgidum spiritu, ac modis
 omnibus eum, qui locum indignus, cum summa
 reipublicæ Christianæ perniciæ, occuparem:
 Itaque generali Concilio succurrendum esse re-
 bus tam afflictis. Aiebant *adjuratum* me, ut
 post acceptum honorem, intra *biennium* gene-
 rale Concilium indicerem: hac lege creatum
pontificem. PE. Atque id vere dictum? JUL.
 Imo *factum*. At ipse me ab eo *jurejurando*, quum
 visum est, *absolvi*. Quis autem dubitet, vel quid-
 vis *dejerare*, cum de *Regno* agitur? In aliis co-
 lenda pietas, ut eleganter ille dixit *Julius*, alter
 ego. Sed audaciam hominum specta: vide quor-
 sum evadant. *Desciscunt* Cardinales novem,
denunciant mihi *Concilium*, invitant, orant, ut
presideam. Quum non impetrant, indicunt
 universis, autore *Maximiliano* tanquam *Im-*
peratore (quod historiarum testentur, olim ab *Im-*
peratoribus Romanis Concilium indici solere)
 autore item *Gallorum* rege *Ludovico* ejus no-
 minis *duodecimo*. Horreisco referens, ac tuni-
 cam illam Christi inconfutilem conantur *di-*
scindere, quam ii quoque reliquerunt *integram*,
 qui *crucifixi* erant. PE. Sed eras *istiusmodi* qua-
 lem illi prædicabant? JUL. Quid ad rem? *sum-*
mus eram *pontifex*, finge me vel *Cercopibus* sce-
 leratorem, vel *Morycho* stultiorem, vel indo-
 ctorem *stipite*, spurciorem *lerna*. quisquis
 hanc tenet *potentia* clavem, eum decet, ut *Chri-*
sti

si vicarium revereri, ut sanctissimum suspicere, PE. Etiam aperte malum?

JUL. *Vel apertissime. Quare non ferendum, ut eum qui Dei vicem agit in terris, omnino Deum quendam inter homines præstat, à quopiam homuncione reprehendatur, aut convitiis violetur, PE. Atqui reclamatur sensus communis, ut bene sentiamus de eo, quem palam scelerosum cernimus: aut bene loquamur de eo, de quo male sentimus. JUL. Cogitet quisque quod volet, modo bene loquatur, aut certe fileat. Porro reprehendi non potest Ro. Pontifex, nec à Concilio generali. PE. Unum hoc scio, qui Christi vicem sustinet in terris, debere quam potest illi simillimum esse, atque ita vitam omnem peragere, ne quid in eo possit reprehendi, neve quisquam merito de illo male loqui queat. Male vero cum pontificibus agitur, si ut bene de se loquantur homines minis extorquent potius, quam beneficiis impetrant; quos nisi mentièdo laudare non possis, quorum summa gloria sit, hominum male sentientium coactum silentium. Verum illud mihi responde. Nulla ratione potest amoveri scelerosus ac pestilens Pontifex.*

JV. *Ridiculum, à quo amoveretur qui summus est? PE. Atqui ob istud ipsum maxime debebat amoveri, quia summus. Nam quo major, modo malus etiam, eo perniciosior. PE. Quin tu Fe-*

liciore multò nobis, *Juli*, *predicas*, quàm *Chriſtus* unquam constituit, *Summum Pontificem*; ita totum in cogitando se *summum*, ut se *Pontificē* esse minùs sit memor; imo reapse *peſſimum* esse, *peſſimùmque impunè* sibi licere existimantem, quia titulo *Maximum*: Pontificem ita titulo tenus *summum*, *maximùmque*, ut in *Reges verè* *summos*, *maximòsque* sub *Deo Imperatores* *maximum*, *summùmque* *Jus* (*Summa* haud absque *Injuria*) sibi vendicandum senserit, ac si *precario* plane regnantes, *Vicariamque* merè potestatem *ementito* huic *Chriſti* in terris *Vicario* acceptam ferentes: *Jus* primùm *Sacris*, dein & *Soliis* arcendi: *Jus* in *fidelitate* ac *obedientia* (ipſo mandante *Deo* debita) illis præſtanda cum subditis *diſpenſandi*: *Jus* denique adversum illos in rebus *leviculis* (fortean & *impiis*) *Pontifici* minùs morem gerentes, non tam *ſpiritualem* ad vitam *emendandam*, quàm & ad *tollendam temporalem* *gladium* ſtringendi. Ipſum interea *summum* Pontificem (*Jura* licet omnia non *humana* modo, sed & *divina* nefariò violantem, *cælumque* (quod aiunt) *terra* genus omne ſcleribus *miſerrimè* *miſcentem*) nempe quia *summum* loco, vel (quod dici fortaliſſi malles) *ſede* movendi mortalium nullis (ne omnibus quidem *Regibus* unà ac *Imperatoribus*) jus concedendum *arbitraris*. Feliciter ſane, *Juli* admodum ceſſit, *mortem* *unicam* hoc in te juris habuiſſe

habuisse (ni & ab hac etiam *tyrannice* nimis tecum forsan actum causeris) quod *mortalibus* ad unum omnibus *mordicus* pernegasti. Itane vero à *Christo* comparatum est? Siccine prospexisse censendus est *Ecclesia* commodis, ut hujus *vita*, *salusque* in sola iltiusmodi Pontificis *morte* reponenda sit? JVL. At si *corrigendus* est Ro. pontifex, per *Concilium* corrigatur oportet. Porro nullum *Concilium* cogi potest invito Pontifice: alioqui *Conciliabulum* fit, non *Concilium*. Quod si maximè cogatur; nec statui quicquam potest *refragante* Pontifice. Denique rellat extremum præsidium, *absoluta* potestas, qua longe jam *superior* est unus Pontifex *universo* Concilio. Cæterum *submoveri* sacerdotio non potest ob *quodvis* crimen. PE. Non. Non ob *homicidium*?

JUL. Nec ob *paricidium*. PE. Non ob *fornicationem*? JVL. Bona verba, imo ne ob *incestum* quidem. PE. Non ob *simoniacam* impietatem? JVL. Non vel ob *sexcentas*. PE. Non ob *veneficium*? JVL. Ne ob *sacrilegium* quidem. PE. Non ob *blasphemiam*? Non inquam. PE. Non ob hæc omnia simul, in unam ceu *lernam* conflata? JVL. Adde si libet *sexcenta* flagitiorum nomina, his quoque *fœdiora*, non potest tamen Ro. Pontifex ob ista *submoveri* loco.

PE. Per quam honorifice equidem (supra *Reges* nempe omnes ac *Imperatores*) de *Concilio*

sentire videris, at *videris* tantum Juli, *Concili-
um*, scil. male habenti Ecclesiæ corpori Medicor-
um quasi *Collegium* sanando antiquitus con-
stitutum haud invitus probas: at nunc dierum
huicce unquam convocandum usui vix, aut ne
vix quidem eo adduci potes ut sustineas: *Ca-
put* autem (sic audire tibi volupe est) quod spe-
ctat ipsum, licet haud *male* sanum modo, ve-
rum adeo prorsus *insanum* etiam *Caput*, ut
Communis Ecclesiæ morbus, *Pestis*que merito
habendum sit, *Vesanium* tamen istiusmodi *Ca-
put*, quorum tandem cunque teneatur reatu
Criminum, pro merito vel *amputandi*, vel dum
amovendi, Anticyrasque *ablegandi* concilio, vel
Oecumenico tanquam Ecclesiæ (ut loquimini)
Representativa nihil quicquam *Potestatis* ulla-
tenus permittendum censes. JVL. Quidam ob
unum quiddam duntaxat *amoveri* posse dicunt.
PE. Ob quod obsecro *benefactum* (quandoqui-
dem ob *malefacta* non potest, si ob *hæc* quæ dixi
non potest. JVL. Ob crimen *hæreseos*, at ita
demum, si *publice* sit *convictus*. Verum id quo-
que *frivolum* est: neque vel tantillum officit
Pontificiæ *majestati*. Primum in manu est, *Le-
gem* ipsam *abrogare*, si minus placeat. Deinde
quis *ausit* summum Pontificem in crimen vo-
care; præsertim tot *armatum præsidii*? Ad
hæc si forte prematur Concilio, facilis est *pali-
nodia*, si *iniciari* non liceat: Postremo mille
sunt

sunt *cuniculi*, quibus facile possit *elabi*: ni prorsus *stipes* sit, non *homo*. PE, Sed dic mihi per Pontificiam *potestatem*, quis *leges* istas tam *præclaras* condidit. JVL. Quis alius nisi *fons* *legum* omnium, Ro. *Pontifex*? Atqui *eiusdem* est *legem* *abrogare*, *interpretari*, *dilatare*, *astringere*, utcunque visum est suis expedire *commodis*. PE. Felicem profecto *Pontificem*, si *legem* *ferre* possit, qua *Christum* etiam *eludat*, nedum *Concilium*: quamquam *adversus* huiusmodi *Pontificem*, cuiusmodi tu modo *descripsisti*, *palam* *scelerosum*, *temulentum*, *homicidam*, *simoniacum*, *veneficum*, *perjurum*, *rapacem*, *portentosis* *libidinum* *generibus* *undique* *conspurcatum*, idque *propalam*, non tam *oprandum* *generale* *Concilium*, quam ut *Plebs* *armata* *faxis*, ut *publicam* *orbis* *pestem*, *publicitus* *tollat* è *medio*. Verum age, dic mihi, quid est *causæ* cur Ro. *Pontifex* tantopere *horrere* *generale* *Concilium*? JV. Nempe quod turba tot *excellentium* *virorum*, non nihil *obscuretur* *Pontificia* *dignitas*. Qui *docti* sunt, iis *literæ* *fiduciam* & *audaciam* adducunt: qui *boni*, *conscientia* *freti*, *liberius* loquuntur, quam nobis *expediat*: qui *dignitate* *præditi*, *authoritate* *utuntur* *sua*. Accedunt inter hos nonnulli, qui *nostræ* *invident* *gloriæ*, & hunc *animum* *secum* *afferunt*, ut *minuant* *Pontificis* & *opes* & *authoritatem*.

Denique nullus hic assidet, quin sibi putet aliquid adversus *Pontificem* licere *Concilii* titulo, nimirum *alias* invictum. Proinde vix ullum *Concilium* tam sceleriter cessit, ut *summus* ille Pontifex non aliquam *majestatis* suæ jacturam senserit, minusque *summus* discesserit. Cujus rei vel ipse testis esse potes, nisi prorsus excidit. Nam quamquam certamen quidem de rebus *leviculis* agebatur, non de *Imperiis* & *Regiis* censibus, ut nunc; tamen *Jacobus* ausus est *tua* orationi nonnihil de *suo* adjicere. Etenim quum tu gentiles onere *Mosaica* legis in *totum* liberasses, *Jacobus* succedens, fornicationem excepit, & sanguinem, & idololatriam, veluti corrigens tuam *sententiam*: ut hodieque sint, qui hac re commoti non tibi, sed *Jacobo* putent fuisse *summi* Pontificis *authoritatem*. PE. Unum igitur illud spectandum existimas, ut *salva* sit *summi* pontificis *majestas*, ac non magis *publica* utilitas reip *Christiane*? JVL. Ad *suum* quisque commodum spectat, nos *nosrum* agimus negotium.

PE. Atqui si *Christus* *idem* fecisset, jam nec esset *Ecclesia*, cujus te *monarcham* esse jactitas; & non video qui conveniat, ut qui *Christi Vicarius* appellari gaudeat, *Christo* *diversa* sequatur. Sed illud jam expedi, quanam arte *schismaticum* illud, uti tu vocas, *Concilium* discusseris? JVL. Dicam equidem, assequere si po-

tes. Primum Imperatorem Maximilianum (sic enim vocant) ut est unus omnium minime difficilis, tamen per solennes nuncios Concilium indixerat, tamen non dicendis modis ab instituto subduxi. Preterea Cardinalibus aliquot arte simili persuasi, ut quod publicatis jam instrumentis statueram, rursus accitis Notariis ac testibus, negarint. PE. An istud licet? JVL. Quid ni liceat? approbante summo Pontifice? Qui si volet, iusjurandum, iusjurandum non est: ut a quo passim quos vult liberat. Sed tamen ut ingenue dicam, erat id quidem paulo impudentius: verum non par tebat via commodior. Deinde quum videbam futurum, ut apud nonnullos invidia Concilii premerer, maxime quod sic esset indictum, ut non excluderetur, sed suppliciter Invitarer, rogarerque praesidere, vide quam jam technam repperim superiorum secutus exemplum. Ipse vicissim ad Concilium provocavi: causans nec tempus, nec locum satis esse idoneum, quem illi praestituissent. Romae subito Concilium indixi, quo neminem venturum arbitror Julio non amicum, aut certe non obsecundaturum. Sic etiam eos multis exemplis docueram. Ac protinus in hunc usum complures Cardinales creavi meis institutis accommodos. GE. Hoc est, facinorocissimos. JVL. Rursus hoc Concilium, nisi indixissem Concilium non fuisset: & tamen

tamen hâc quaquam expediebat rebus meis
 tantam *Episcoporum & Abbatum* turbam huc
 confluere, inter quos fieri non potest quin ali-
 quos *probi piſque* fuerint futuri. Itaque mo-
 nui, ut *ſumptibus* parcerent: & ſingulæ regio-
 nes *unum*, aut *alterum* duntaxat mitterent.
 Deinde cum ne hoc quidem ſatis *tutum* vide-
 rem, & *paucos* ex tot provinciis ad *magnum* re-
 dituros numerum: denuo illis jam ad iter âc-
 cinctis denunciavi ne venirent, *Concilium* in
 aliud tempus *prorogandum*: commentus ad id
caſas utcunque *probabiles*. Atque iis *artibus*
 excluſis univerſis, ruiſum *antevertens*, quem
 præſcripſeram, *diem*, *Romæ* *Concilium* inſtitui,
 cum iis duntaxat, quos ad id paraveram: Inter
 quos etiamſi *quidam* futuri eſſent, qui *diſſen-*
tirent à me, tamen illud certum habebam, *Ju-*
lio neminem refragaturum, tanto armis, & ſa-
 tellitibus, *ſuperiori*. Jam, ad hunc modum, in-
 gentem invidiam movi *Gallicano* illi *Concilio*,
 dimiſſis quoquo verſum literis, in quibus de
 noſtro *Sacroſancto Conſilio* faciebam mentio-
 nem, *Concilium* illorum execrans, *converſicu-*
lum *Sa:anæ*, *conciliabulum* *Diaboli*, ſchiſmari-
 cam *conſpirationem* ſubinde nominans. PET.
 Oportet ſcleratiſſimos fuiſſe *Cardinales*, au-
 thores & principes *Concilio*. JVL. De *moribus*
 nihil queror, ſed *caput* hujus negotii fuit *Epi-*
ſcopus Rothomagenſis, qui nescio qua *ſanctimo-*

nia semper huc spectavit ut *Ecclesiam* redderet
emendatiorem, idque fecit locis aliquot.
 Hunc mors eripuit mihi, tum rem faciens om-
 nium gratissimam. Successit huic *Cardinalis*,
 titulo *Sanctæ Crucis*, Hispanus, vitæ quidem in-
 culpata, sed *rigidus* senex, ac *Theologus*. Quod
 quidem genus hominum ferme solet esse infe-
 stum *Romanis Pontificibus*. *PE.* Atqui homo
Theologus nihil habebat, quod suo facto proba-
 biliter obtexeret? *JVL.* Permulta. Aiebat
 nulla fuisse tempora *inquietiora*, quam tum e-
 rant, nunquam *Ecclesiæ* morbos magis *intoleran-*
dos, itaque *generali Concilio* succurrendum. Me
 cum ad *summum Pontificium* admitterer, *Sa-*
cramentis adactum, ut *secundo* ab inito pontifi-
 catu anno *Concilium* indicerem, & ita adactum,
 ut ne à *Cardinalium* consensu possem absolvi:
 Deinde sæpius à fratribus meis *Cardinalibus*
 admonitum, rogatum, interpellatum à *Princi-*
pibus, quodvis potius, quam hoc, in aurem ad-
 mississe: ita ut palam appareret, *Julio vivo*,
 nunquam futurum *Concilium*. Citabant exem-
 pla superiorum *Conciliornum*, citabant *leges* ali-
 quot *pontificias*, quibus ostendebant, *Me*, cum
 meis, *detrectante* *Concilium*, ad se jus dicendi
 devolutum. Cæteris item *principibus* conni-
 ventibus, *indicendi* munus ad *Imperatorem Ro-*
qui olim solus indicebat, & ad *Gallorum regem*,
 qui præcipuus esset, pertinere. *PE.* Num igi-
 tur

tur in te nefanda dicta scribebant ?

JV. Imo *furciferi* plus hic *sapiebant* quam volebam. Rem *odiosissimam* mira *modestia* tractabant, & non solum temperabant à *maledictis*, sed me nunquam nisi cum *honoris* prælatione nominabant, rogantes, & obsecrantes per omnia *sacra*, *piæque*, ut quod me *dignum* erat, quodque *iurejurando* pollicitus essem *Concilio* indicto *præsiderem*, pariterque secum *favendis* Ecclesiæ *malis* operam commodarem. Nec dici potest, quantum hæc *temperantia* mihi conflaret *invidia*, præsertim cum omnia sua *sacris literis* condirent, nam apparet *eruditos* aliquot ad id adhibitos. Addebant interim *jejunia*, *orationes*, miram vitæ frugalitatem, ut magis etiam me premerent opinione *sanctitatis*.

PET. Tu contrà quo titulo *Concilium* indixeras ?

JVL. Longe *splendidissimo* : obtendebam mihi in animo esse primum corrigere *caput* Ecclesiæ, hoc est *meipsum*; Deinde *Principes* Christianos; postremum *Plebem* universam.

PE. Bellam audio *comædiam*, sed jam expecto *catastrophen*. Juvat audire, quid *Theologi* illi in *Satana* *Conciliabulo* statuerint.

JVL. Indigna, abominanda, *refugit* animus commemorare.

PE. Obsecro tam *nefanda* ?

JVL. Prorsus *impia*, *sacrilega*, plusquam hæretica,

retica, quibus nisi *manibus & pedibus* obstitissem, imo *armis* pariter, atque *ingenio*, actum fuisset de *dignitate* Ecclesiæ Christianæ.

PE. Tanto magis expecto, quæ sint ista.

JVL. Ah horresco referens. Id agebant scelerasti, ut *Ecclesiam* tot *opibus* ac tanta *ditione* florentem, ad veteres illas *sordes*, ac miseram *frugalitatem* revocarent, ut *Cardinales* qui nunc vitæ *strepitu*, quosvis antecellunt *tyrannos*, ad *paupertatem* redigerentur: ut *Episcopi* multò *contractius* viverent, minùs *satellitum*, minus alerent *equorum*. Decreverant ne passim *Cardinales* absorberent *Episcopatus*, *Abbatias*, *Sacerdotia*, ne quis unus plures *Episcopatus* amplecteretur, Istos qui per fas (ut aiebant) nefasque sexcenta, si possint, cumulant *Sacerdotia*, coercendos censebant, ut his essent contenti *censibus*, qui *frugali* sacerdoti satis essent: Ne quisquam crearetur *summus Pontifex*, aut *Episcopus*, aut *Sacerdos* *interventu nummorum*, aut *respectu favoris*, aut turpis *obsequii*, sed duntaxat ex vitæ *meritis*. Quod si compertum esset, illico *submoveretur*: ut liceret *Romæ Pontificem*, palam *facinorosum*, ab *honore* deperire: ut *Episcopi* *scortatores*, & *temulenti* privarentur *administratione*: ut *Sacerdotes* palam *facinorosi*, non solum *sacerdotio* *submoverentur*, verum *membro corporis* *mutilarentur*; aliaque id genus *permulta*, nam omnia referre piget. Quæ
prorsus

prorsus eo tendebant, ut nos *onerarent sancti-
monia, divitiis & imperio spoliarent.*

PE. Quid igitur contra hæc statuebantur in
illo *Sacro sancto consilio Romano* ?

JUL. Jam mihi videris oblitus id quod dixi;
me nihil aliud agere voluisse *Concilii prætextu,*
nisi ut clavum clavo pellerem. *Primus ille Con-
ventus* consumptis solennibus quibusdā *ceremo-
niis,* quas ex autoritate adhuc utcunq; placet
observare, etiamsi nihil ad rem pertinent, pera-
cta *sacra* duo: alterum de *Sancta Cruce,* alte-
rum de *S. Spiritu,* tanquam hujus *afflatu* res
ageretur; Deinde recitata *oratio* plena *laudum*
mearum; Proximo confesso, quanta vi potui,
contorſi *fulmen* in *schismaticos* illos *Cardinales,*
plusquam *impium,* plusquam *sacrilegum,* plus-
quam *hereticum* pronuncians, quicquid illud
esset, quod aut jam *statuissent,* aut *statuere* para-
rent. PE. Itaque si forsitan poenitentia ducti sta-
tuissent te *bonum & præclarum* esse pontificem,
hoc plusquam *impium & hereticum* fuisset?

JUL. Omnino, quia nulla aut *autoritate* aut
ratione fultum. GE. Nihil verius. JUL. Quid
enim illorum interfuit statuere *qualis* esset *Pon-
tifex Romanus* ? Sed progredior. Tercio con-
fesso eodem *fulmine* terrui *Galliam,* nundinis à
Lugduno translatis, & quibusdam *Galliæ* partibus
nominatim exceptis, quo magis alienarem à re-
ge *plebis* animos, & aliquam inter ipsos *seditio-*

nem excitarem . Atque hæc statim Acta , quo plus haberet authoritatis, *bullis* prodita ad omnes nisi *principes* : præsertim ad hos , quos videbam in nostram *factionem* esse propensiores. PE. At præterea nihil actum ? JVL. Id actum est quod volebam : *vici*, si modo nostra valent *Decreta*. Tres illos *Cardinales* qui perstiterunt in cæptis, *Cardinalitia* dignitate publicis *cæmoniis* privavi, sacerdotiorum census *aliis* contuli, ne facile possent restitui, ipsi tradidi *Satane*, libentius tamen ignibus traditurus, si in manus meas incidissent. PE. Attamen si vera narras, non paulo *sanctiora* videntur illius *scismatici conciliabuli* decreta, quam tui *sacro-sancti concilii*: unde nihil adhuc video prodisse, nisi *minas tyrannicas*, execrationes, & *astu mixtam crudelitatem*, Si *Satanas* fuit illius *author* *Conciliabuli* ; propius videtur ad *Christum* accedere, quam *spiritus* ille nescio quis, qui modo vestrum moderatus est *Concilium*. JVL. Quin tu quid loqueris etiam atque etiam vide. Nam omnibus *bullis* meis execratus sum omnes, quicumque illi *conciliabulo* quocunque modo *favorint*.

PE. Miser ut adhuc *veterem* illum *spiras fulium*! Sed quis tandem hujus *exitus* negotii?

JVL. Hoc equidem in statu reliqui, quorundam evasurum, viderit *fortuna*. PE. Nimirum *scisma* manet. JVL. Manet, & quidem *periculosissimum*.

simum. PE. Et tu quidem Christi vicarius *schisma* maluisti, quam *verum* Concilium?

JVL. Vel trecenta *scismata* potius, quam me velim in *ordinem* cogi, & ad totius *vite* reddendam *rationem* adigi. PET. Ita tibi conscius?

JVL. Quid id tua? PE. Intelligo. Non expediebat eam commoveri *camerinam*, sed penes utros erit victoria?

IVL. Istud *fortune* est in manu. Quanquam à nobis plus est *pecnniarum*. Gallus exhaustus est diutinis jam *bellis*. Anglus auri *montes* habet *intactos* adhuc, Illud indubitato possum vaticinari: si Gallus vicerit, id quod abominor, *vertentur* rerum nomina, *sacrosanctum* illud Concilium, *Sathane* conciliabulum erit. Ego *idolum* pontificis, non Pontifex: penes illos *Spiritus sanctus* erit, nos spiritu *Sathane* fecerimus omnia. Verum mihi ingens *fiducia* est in *relictis pecuniis*, ne hæc fiant. PE. At quid rei tandem incidit adversus Gallos, & horum *Regem*? quem vestri majores *Christianissimi* titulo decorarunt, præsertim cum illorum *præsidis* fatearis & *vixisse* te, & ad istam plusquam *imperialem* coronam evehctum. Denique *Bononiam*, & reliquas *urbes* recepisse, domuisse *Venetos*, omnibus invictos. Quomodo *tot* tam *recentium* meritorum abolita memoria? Quomodo *tot* discissa *scædera*? JVL. istam explicare *fabulam* perlongum fuerit. Verum ut summa-

tim

tim dicam, nihil à me *novatum* est: sed quod
jam olim animo parturieram, tum parere cepti:
quod *antea*, rebus ita poscentibus, *dissimulam*,
tunc *aperui*. *Gallie* nunquam ex animo bene vo-
lui, hoc tibi de *Tripode* dictum puta, Nec ullus
Italus ex animo bene vult *Barbaris*: non Her-
cule magis, quam *Lupus* agnis. Sed ego non I-
talus modo, verum etiam *Gennanſus*, tantisper
illis utebar *amicis*, dum opus esset illorum mi-
nistrio. Quandoquidem hactenus utendum est
opera *Barbarorum*. Interea multa *culi*, multa
dissimulaui, multa *finxi*: Denique nihil non &
feci, & *passus* sum. Verum ubi jam *Res* in eum
propemodum *locum* deductæ sunt, in quem *ve-*
lebam, supererat ut verè *fulium* agerem, to-
tamque illam *Barbarorum* scæcem *Italia* sub-
moverem. PE. Cujusmodi *bellua* sunt isti, quos
vocas *Barbaros*? JVL. *Homines* sunt. PE. Ho-
mines igitur, at non *Christiani*? JVL. Et *Christi-*
ani, sed quid hoc ad rem pertinet? PE. Ergo
Christiani quidem, sed absque *literis*, agrestem
degentes vitam. JUL. Imo rebus *istis* maxime
florent illi: quin insuper, id quod illis impri-
mis invidemus, *opibus*. PE. Quid igitur sibi vult
Barbari cognomen? Quid *muslas*? GE. Dicam
hujus vice. *Itali* cum sint ex omni *barbarissi-*
marum Nationum *culturæ* constati, confusique,
non aliter quam *sextina* quadam, tamen è
Gentiliæ, *literis*, hanc imbibebunt *insaniam*,

ut extra *Italiam* natos *Barbaros* appellent,
 Quod quidem *Cognominis*, apud illos contu-
 meliosius est, quam si *parricidam* dicas, aut *sa-
 crilegum*. PE. Ita videtur. Atqui cum pro omni-
 bus hominibus mortuus sit *Christus*, nec apud
 illum sit ullius personæ respectus; cumque
 tu *Christi vicarium* profiteris, cur non omnes
 complecteris eodem animo, quos non dis-
 crevis ipse *Christus*? JUL. Equidem & *In-
 dos*, & *Afros*, & *Ethiopes*, & *Græcos* complecti
 cupiam, si modo numerent, & Principem agno-
 scant *vehigalibus*. Verum hos omnes recidi-
 mus; & proxime *Græcos*, quod homines nimi-
 um *tenaces*, parum agnoscerent *Romani Pon-
 tificis majestatem*. PE. Ergo *Romana* sedes to-
 tius orbis veluti *horreum* est? JUL. Magnum
 vero, si omnium *metamus carnalia*, cum omni-
 bus nostra *spiritualia* seminemus? PE. Quæ
 narras *spiritualia*? Nam adhuc quidem præter
mundana nihil audio. Fortasse *doctrina sacra*
trahis ad Christum. JUL. Sunt qui concionentur si
 velint, nec eos *prohibemus*, modo ne quid dicant
 adversus *Majestatem nostram*. PE. Quid igitur?
 JUL. Quid igitur? Cur *Regibus* datur quicquid
 exegerint? nisi quia his *acceptum* referunt sin-
 guli, quicquid possident, etiamsi nihil ab illis
 acceperint. Ita quicquid est *sacri uspiam*, nobis
 imputandum est, etiamsi totam *spem vitam*.
 Quamquam præter ista largissime donamus
 indulgen;

indulgentias exigua pecuniola, dispensamus in rebus gravissimis non maxima summa, passim omnibus obviis *benedicimus*, idque *gratis*. PE. Equidem nihil horum intelligo. Sed redi ad id quod institutum erat: quam ob rem tua sanctissima *majestas* tantopere *Barbaros* horreat, ut cœlum terræ miscendum duxeris, quo illos ab *Italia* depelleres. JUL. Dicam: *supersticiosus* est cum omne *Barbarorum* genus, tum præcipue *Gallorum*, Nam cum *Hispanis* non pessime nobis convenit, sive *linguam* species, sive *mores*: Quamquam *hos* quoque submotos volebam, quo prorsus nobis liceret *mores* nostro agere. PE. Colunt præter *Christum* & alios *deos*? JUL. Imo *Christum* ipsum nimis anxie colunt. Antiquis quibusdam & jam pridem *obsoletis* vocabulis, mirum est, quam adhuc homines *stultissimi* permoveantur. PE. Forte *magicis*. JUL. Nugaris: imo *simonia*, *blasphemia*, *Sodomia*, *veneficio*, *sortilegio*. PE. Bona verba. JUL. Itidem ut tu nunc abominaris, & isti. PE. Omitto nomina: *res* sunt apud *vos*, ne dicam apud ullos *Christianos*? JUL. Sane *Barbari* non ipsi vacant *vitiis*, sed cum *diversis* laborent, *nostra* execrantur *suis* blandiuntur. Nos contra *nostris* blandimur, *illorum* abominamur. Nos abominandum *probrum* ducimus, ac per fas, nefasque fugiendum, *paupertatem*: illi vix *Christianum* esse existimant *opibus* frui nullis

vel sine fraude quæsitis. Nos ebrietatem nec nominare audemus (quamquam hac quidem in parte, non ita vehementer ab illis *dissentiam*, si cætera *conveniant*) at Germani leve putant *erratum* & *festivum* magis quam *sceleratum*. *Usum* *ram* vehementer execrantur illi, at apud nos multum hominum genus æque *necessarium* ecclesiæ Christi. Venerem *præposteram* usque adeo spurcam ducunt illi, ut si quis vel *nominet* modo, & *aerem* & *solem* existiment *pollui*: nobis longe *diversa* sententia est. Item *simonia*, jam olim rerum natura sublatum *vocabulum*, velut *Umbra* adhuc formidant illi: & *antiquas* jam veterum *leges* mordicus tenent. Nos alio spectamus. Atque hujusmodi permulta sunt alia, in quibus nobis non convenit cum *Barbaris*, proinde cum jam simus tam dissimili *vita* instituto procul arcendi sunt à *nostris* *mysteriis*, magis suspecturi si *nesciant*. Nam si semel intellexerint *arcana* Curia: nostræ protinus *evulgant*: & nescio quo pacto ad vitia reprehendenda sunt *oculatissimi*. Scribunt *maledicentissimas* ad suos *litteras*. Clamitant passim, apud nos non esse *sedem* Christi, sed *feminam* Satanæ. De me disputant, num sic *assectus* Pontificium, sic *vivens*, pro *Pontifice* sim habendus. Atque ita primum minuunt nostram apud ignotos sanctitatis *opinionem*, simul & *authoritatem*, qui antea nihil de nobis audierant, nisi quod Christi vicem geremus,

remus, & proximam, atque adeo parem Deo potestatem teneremus, Atqui his è rebus intolerabilis ecclesiæ Christianæ iactura nascitur. Dispensationes & pauciores, & minoris vendimus: Minor census redit ex Episcopatibus, & Sacerdotibus, & Abbatibus, Vulgus, si quid exigitur, malignius dat. Breviter, undecunque parcior questus, & steriliores nundinæ. Postremo fulmina quoque nostra minus ac minus horrent. Quod si semel eo processerit audacia, ut dicant sceleratum Pontificem nihil agere, ac fulmen minasque contempserint, nobis ad famem plane redierit res. Quod si procul absuerint (ita ingenium est Barbarorum) impensus venerabuntur, nosque literis commode scriptis, ex animi sententia rem geremus. P. E. Non optime vobiscum agitur, si hinc pendet autoritas Apostolica, ut vita ignoretur, nesciatur technæ. Nos nihil aliud optabamus, nisi ut universis esset cognitum, quicquid vel in cubiculis ageremus. Atque ita demum plurimi fiebamus, si vere innotissemus. Verum illud expedi, Adeo religiosos Principes nunc habet Mundus, captaque est apud illos sacerdotum reverentia, ut ad anis, atque adeo talis nutum, ad arma descenderint universi? Nam meis quidem temporibus, hos infestissimos hostes patiebamur. JUL. Quantum ad vitam attinet non sunt admodum supersticiosi Christiani, Nos plane contemnunt, ac pro nugamentis habent:

habent: nisi quod aliquot ex his infirmiores
 nonnihil metuunt terrificum illud fulmen *Ex-*
communicationis. Nec hi tamen perinde *re* atque
opinione commouentur. Sunt qui nostras *opes*
 vel *sperant* vel *metuunt*: eoque nonnihil no-
 stræ deferunt *Authoritati*. Quibusdam persua-
 sum, ingens aliquod *infortunium* manere hos,
 qui sacerdotibus *qualibuscunque* negotium sa-
 cessant. Omnes serme, ut sunt *Civiliter* educati,
 nonnihil tribuunt *Ceremoniis*, præsertim à no-
 bis provocati. Nam *Ceremonia* ceu *fabula* quæ-
 dam *vulgo* dantur: Cæterum res interim serio
 agitur. Nos illos magnificis *Titulis* decoramus,
 etiamsi sint sceleratissimi. Hunc *Catholicum*
 appellantes. Illum *Serenissimum*, alium *Illustris-*
simum, alium *Augustum*, omnes *dilectos Filios*,
 nominamus: illi vicissim nos *sanctissimos Patres*
 in suis literis vocant: & aliquoties ad oscula pe-
 dum se submitunt: & ubi non multum negotii
 vertitur, cedunt nonnunquam *Authoritati* no-
 stræ, quo sibi *pietatis* opinionem apud *vulgus*
 parent. Nos illis *Rosas* mittimus *consecradas*, *Ti-*
aras, *Gladios*, & illorum *Dignitatem* maximis
bullis confirmamus. Illi vicissim mittunt *equos*
milites, *pecuniam*, nonnunquam & *Pueros*, atq;
 ita mutuum (quod aiunt) *muti* scabunt. *PE.*
 Si tales sunt, nondum intelligo quo pacto po-
 tueris summos *Reges* ad gravissima bella concit-
 tare, præsertim *raptis* tot *fœderibus*. *IVL.* Atque

si nunc assequi possis ea quæ dicam, intelliges
ingenium plusquam *Apostolicum*. PE. Adnitar
 equidem quoad potero. IVL. Illud in primis
 mihi studio fuit, omnium *Gentium*, ac præcipue
Principum ingenia, mores, affectus, opes, & co-
 natus pernosse, cui cum quo conveniat, cui cum
 quo *dissidium* sit: deinde his omnibus ad no-
 stram *commoditatem* uti. Principio *Gallos* facile
 concitavimus in *Venetos*: quod inter hos intece-
 deret *vetus* aique *antiqua* similtas.

Deinde sciebamus eam *gentem* avidam im-
 perii prorogandi: Et *Veneti* illorum quoque non-
 nullas *urbes* occupant. Itaque meum nego-
 tium, cum illorum negotio miscui. Tum Impera-
 tor, quanquam alioqui non admodum amicus
Gallo, tamen quia non erat alia spes à *Venetis*
 recipiendi, quæ tenebant (tenebant autem *Ur-
 bes* aliquot egregias) pro tempore se huic bello
 adjunxit. Deinde quum non placeret *Gallos*
 supra modum crescere (res enim successerat fe-
 licius quam volebant) *Hispaniarum* etiam Re-
 gem in eos extimulavi, primum hominem, non
 fidei *adamantine*, deinde cujus magnopere refe-
 rebat, utcumq; premi *Gallorum* potentiam, cum
 ob alia multa, cum præcipue, ne quando ditione
Neapolitana excluderetur: Ad hæc, *Venetos* ta-
 mes non probare, sed tamen in *Græciâ* recepti,
 ut hos quoque recentis cladis dolore exacerba-
 tos in *Gallos* immitterem. Rursum Imperato-
 rem, quem paulo ante cum *Gallis* conjunxeram,

ab illis *distraxi*: idque partim *pecuniis*, quæ apud hominem *egentem* semper valent plurimum, partim *litteris*, & *nunciis*, renovato veteri in Gallos odio, quo vir ille mirum quam, semper *flagravit*, etiam si de erat ulciscendi *facultas*. Jam Anglos sciebam *genuino* odio esse in *Gallorum* Gentem, atque iis *conjunctissimos* *Scotos*: Ad hæc intelligebam *Nationem* *præferocem* & *belli* *cupidam*, idque potissimum *prædandi* *spe*: tum etiam *supersticiosam* aliquantulum, quod longissime *ablit* à *Roma*: Postremo id temporis, *nova* *libertate* (quæ tandem illis morte *Regis* omnium *severissimi* contigerat) *insolentes* ac *pene* *tumultuantes*: ut facile jam possent ad quamvis *insaniam* *extinulari*. Quodque maxime volebam, *Accessit* ad *opportunitatem* *rerum* *mearum*, *Rex* *admodum* *adolescens*, vel *puer* potius & *nuper* *regno* *potitus*, *ingenio* *acri* *vivo* *doque*, ac *vere* *juvenili*, hoc est, *inquieta* & *bel-* *licoso*, nec *acare* *tantum* *ambiciosus*, & *ad res* *non* *mediocres* *erectus*, *Quin* *jam* *tum* à *pri-* *mis* *annis* *huc* *spectasse* *dicebatur*, ut *Gallos* *adoriretur* *armis*. Super omnia *affinis* erat *His-* *pano* *Regi*, quem jam ad *arma* *traxeram*. Hiscerebus omnibus *usus* *sum* ad *Ecclesie* *commodio-* *tatem*, *Ac* *sexcentis* *litteris*, *non* *absque* *ingenio* *scriptis*, *tandem* *involvi* *principes* *bello* *omnium* *gravissimo*. Neque vero quemquam *cæterorum* *intentarum* *reliqui*, neque *Regem* *Hungaria*:

rum, neque *Lusitania*, neque *Burgundionum*,
 Regibus parem, *Ducem*. Verum quia ad hos
 nihil harum rerum attinebat, *perpellere* non qui-
 vi, & sciebam *tumultuantibus* illis neminem ex-
 terorum *quiescentium*. Hi igitur quum suo mo-
 rem gererent animo, tamen honestissimum ti-
 tulum acceperunt a nobis, ut quo maiorem cla-
 dem inferrent populo *Christiano*, hoc *religiosus*
 viderentur *Ecclesiam Dei* *protegere*. Atque ut
 magis admireris vel *ingenium* meum, vel *felici-
 tatem*, belligerabatur id temporis *Hispania*.
 Rex cum *Turcis* incredibili rerum *successu*, ma-
 ximoque suo *questu*: & tamen illis omnibus o-
 missis, in *Gallum* universas vires convertit. Ad
 hæc *Imperator* non *fœderibus* modo multis, ve-
 rumetiam *beneficiis* immensis devinctus erat
Gallis, vel hoc nomine, quod horum sumptu
 operaque suas in *Italia* Civitates recepisset.
 Et hic erat quod ageret, nempe ut *sua* tueretur,
 Jam enim *Patavium* desciverat, & in *Bur-
 gundia*, nempe ut *Geldrios* hostes gravissimos
 (in quos belli suscipiendi fuerat author) a Ne-
 pote suo *Burgundionum Principe* depelleret. Et
 sic effeci, ut *suis* omissis *meum* agerent negoti-
 um. Tum nulla *Gens* est, apud quam minus valeat
 at *summi Pontificis* *Authoritas*, quam *Anglo-
 rum* (id quod protenus liquebit, si quis *divi Tho-
 ma Cantuariensis Episcopi* vitam, ac veterum
Regum constitutiones evolverit) ea tamen *Gens*
 aliqui

alioqui *exactionum* impatientissima, passa est
 propemodum se *deglubi*. Mirum autem, quomo-
 do *sacerdotes* quoque, qui nobis consueverant
 quicquid possunt *substrahere*, eo adduxerim ut
Regi tributum numerarent, haud perpendentes
 cujusmodi *fenestram* Regibus in posterum *ape-*
ruerint. Quanquam nec ipsi *Re* et satis animad-
 vertebant, quod *exemplum* induxerint aduersus
 seipso. Nempe, ut liceat postea *Ro. Sacrifico* reg-
 no movere, quem oderit *principem*. Et *Rex* adol-
 lescens majori etiam *motu* rem aggressus est
 quam *volebam*, aut quam *jusseram*: tamen si male-
 bam in hanc peccari partem. Jam vero longum
 fuerit explicare sigillatim, quibus *artibus* eos
Principes ad tam periculosum *bellum* excitari
 in *Christianos*, quos nullus unquam *Pontifex* vel
 in *Turcas* potuit excitare. PE. At fieri potest, ut
 bellorum *incendium* per te suscitatu, uniuersum
 denique *mundum* corripiat. JU. Corripiat sane,
 modo *Romana* sedes *Dignitatem*, & *Possessiones*
 teneatur suas; Tamen si conatus sum omnem
belli molem ab *Italia* in *Barbaras* rejicere; di-
 mittent illi quantum libet, nos *spectabimus* &
 fortassis illorum *fruemur* infania. PE. Pertinet
 hoc ad *Pastorem* & patrem *sanctissimum*, &
Christi Vicarium? JU. Cur excitant *schisma*?
 PE. Atqui peccata nonnunquam *ferenda* sunt, si-
 pius malorum, a *medela*. Deinde in *Concilium*
 admisisses, non erat locus *schismati*. JUL. Rona
 verba

verba Ego sexcenta *bella* malim, quam *Concili-
um*. Quid si me submovissent à Pontificio, ve-
luti *simoniacum*, & *negotiatorem* pontificii, non
Pontificem? Quid, si omuem *vitam* meam per-
didicissent, prodidissentque in *vulgus*? PET.
Etiam si *verus Pontifex* esses, tamen satius erat
honori cedere, quam tantis orbis *Christiani* ma-
lis tuam *Dignitatem* tueri. Si modo *Dignitas* est
Episcopatus *indigno* commissus, ac ne *commis-
sus* quidem, sed *emptus*, & *arreptus*. Unde illud
mihi obiter venit in mentem, te consilio quo-
dā *divino Gallis* extitisse *pestem*, qui prius
Ecclesie te *pestem* invexerunt.

JUL Per triplicem *Coronam* meam juro, per-
que meos clarissimos *triumphos*, si mihi bilem
moveris, senties & tu vim *Julii*. PE. O *phre-
neticum*! Verum hactenus nihil audio, nisi *Du-
cem*, non *Ecclesiasticum*, sed *Mundanum*, nec
Mundanum tantum, sed *Ethnicum*, Imo *Ethni-
cis* *sceleratorem*. Gloriaris te plurimum potuisse
ad *discindenda* *scedera*, ad *inflammanda* *bella*,
ad *strages* hominum *excitandas*. Ista *Satana*
potestas est non *Pontificis*. Qui *Christi vicarium*
se facit, cum oportet ad illius *exemplar* quam
proxime accedere. Est in illo *summa potestas*,
sed cum *summa bonitate* conjuncta, est *summa*
sapientia, sed *simplicissima*. In te potestatis
imaginem video, cum *summa malitia*, *summa*
que stultitia copulatam. Quod si *malorum*
princeps

princeps *Diabolus*, *vicarium* sibi cupiat subrogare; quem potius asciscat, quam *tui* similem? Dic ubi virum *Apostolicum* egeris? JUL. Quid magis *Apostolicum*, quam augere Christi *Ecclesiam*? PE. Atqui si *Ecclesia* est *populus Christianus*, Christi spiritu *conglutinator*, subvertisse mihi videris *Ecclesiam*: qui orbem universum, ad teterrima bella concitaris, quo tu impune malus & pestilens esses. JUL. Nos *Ecclesiam* vocamus *sacras aedificas*, *sacerdotes*, & præcipue *Curiam Romanam*; me imprimis, qui caput sum *Ecclesia*. PE. At Christus nos *ministros* fecit, se caput: nisi nunc secundum caput accreverit, sed quibus tandem aucta est *Ecclesia*? JUL. Nunc ad rem accedis; itaque dicam: Illa olim famelicæ & pauper *Ecclesia*, nunc adeo floret ornamentis omnibus. PE. Quibus? ardore fidei? JUL. Obtundis.

PE. Contemptu mundi? JUL. Sine me dicere, veris inquam ornamentis, nam istæ verba sunt.

PE. Quibus igitur? JUL. *Palatiis* regalibus, *equis* & *mulis* pulcherrimis, *famulitio* frequentissimo, *copiis* instructissimis, *satellitibus* exquisitissimis.

GE. *Scortis* formosissimis, *lenonibus* obsequentiissimis. JUL. *Auro*, *purpura*, *vestigalibus*: ut nullus *Régium* non *humilis* ac *pauper* videatur, si cum *R. Pontificis* opibus, strepituque conferatur

conferatur; nemo tam *ambiciosus*, quin se *virtutum* agnoscat, nemo tam *latus*, quin suam condemnet *frugalitatem*: nemo tam *numatus* nec *facerator*, quin nostris invideat *opibus*. Hæc inquam ornamenta & *tutus* sum, & *auxi*.

PE. Sed dicito mihi: quis omnium primus istis ornamentis & *inquinavit* & *oneravit* Ecclesiam, quam Christus *purissimam* pariter & *expeditissimam* esse voluit? JUL. Quid istud ad rem attinet? Certe quod est *caput*, tenemus, possidemus, fruimur: quanquam aiunt *Constantinum* quondam universam *Imperii* sui *majestatem* in *Sylvestrum* Ro. Pontificem transfudisse, phaleras, equos, currus, galeam, balteum, paludamentum satellitum, enses, coronas aureas, & auri quidem purissimi, exercitus machinas bellicas, urbes, regna. PE. Et exant istius munificentiae certa *monumenta*? JUL. Nulla, præter

Paleam unam *Decretis* admixtam. PE. *Fabula* fortassis est. JUL. Id vel ex *meipso* conjicio. Quis enim sanus, tam magnificum *imperium* cederet vel *Patri*? sed tamen valde *libet* credere, & *curiosis* hæc refellere conantibus, *silentium* magnum nimis indicimus. PE. Atqui nihil adhuc audio, nisi *Mundum*. JUL. Tu fortasse *vererem* illam *Ecclesiam* adhuc somnias, in qua tu cum famelicis aliquot *Episcopis* frigidum sane *Pontificem* agebas, paupertati, sudori, periculis, ac mille *obnoxius* incommodis. Jam *etas* in melius commutavit

Palea nota
Commentum
quodvis
Additum
ad Decretum
Gratiani.

commutavit omnia. *Alia longe res nunc est*
Rc. Pontifex. tu nomine tituloque duntaxat eras
Pontifex. Quid si nunc videres tot *sacras aedes*
Regiis extructas opibus, tot ubique *Sacerdotum*
millia, plerosque *censu amplissimo,* tot *Episco-*
pos armis & opibus summis pares Regibus, tot
splendidissima Sacerdotum palatia, præcipue
 vero, si *Romæ* videas tot *purpuratos Cardina-*
les, legionibus *famulorum* stipatos, tot *equos*
plusquam Regios, tot *mulos bysso, auro, gem-*
mis ornatos, aliquot *soleis etiam aureis & argen-*
teis calceatos. Jam si *summum Pontificem* con-
 spiceres, sublimem in *aurea sella militum hu-*
meris vehi, ad manum *motam* passim omnes
adorantes. Si *crepitum audires bombardarum,* si
clangorem tubarum, si *bombos classicorum,* si
fulmina machinarum videres, si *populi applau-*
sus, acclamationes, si *omnia tædis collucentia,* si
summos etiam Principes ad beatorum oscula *pe-*
dum vix admitti. Si spectasses *Ro. illum Sacerde-*
tem pede *coronam auream* imponentem *Im-*
peratori Romano, qui *Rex* est regum omnium (si
 quid modo valerent jura scripta) quanquam ni-
 hil jam obtinet, nisi magni Nominis *umbram,*
Hec inquam si vidisses, audissesque, quid tan-
 dem diceres?

PE. *Tyrannum* plus quam *mundanum* videre
 me, Christi *hostem,* Ecclesie *pestem.* JU. Secus lo-
 quereris, si vel unum meorum *triumphorum*
 spectasses,

spectasses, vel eum quo *Bononiam* sum inuestus,
 vel quem egi *Romæ* subactis *Venetis*, vel quo
Bononia fugiens *Romam* sum reuectus, vel quem
 hic egi postremum, *Gallis* preter omnem spem
 fasis apud *Ravennam*: si *mannos*, si *caballos*,
 si *militum* armorum aciem, si *ducum* orna-
 menta, si *delectorum* *spectacula* puerorum, si
fases undique *lucentes*, si *ferculorum* apparatus,
 si *pompam* *Episcoporum*, si *Cardinalium* *fastum*,
 si *trophea*, si *manubia*, si in *ecelum* *reboantes* *ple-*
bis ac *militum* *acclamationes*, si *plausu* *per-*
streptentia omnia, si *lituorum* *cantum*, *tuba-*
rum *tonitrua*, *bombardarum* *fulmina*, *sparsos*
in *populum* *numos*, si *me* veluti *Numen* quod-
 dam *sublimem* *ferri* *spectasses*, totius *pompæ*
Caput & *Authorem*, tum *Scipiones*, *Emilios*,
Augustos, *sordidos* ac *frugales* dixisses *præ*
me. PE. Ohe, satis *triumphorum* *gloriosissime*
miles, immo *illos*, licet *Ethnicos*, odio tui, *com-*
plector, qui *cæsis* tua *causa* tot *Christianorum*
millibus, *triumphos* agebas *sanctissimus* in
Christo *Pater*, tot *legonibus* *interitus* *author*
extitisti, qui ne *unam* *animulam*, neque *verbo*,
 neque *vita* *Christo* *lucrifeceris*. O *Paterna*
viscera, O *dignum* *Christi* *Vicarium*, qui *semer-*
ipsum *impendit* ut omnes *servaret*. Tu ut *unum*
pestilens *defenderes* *caput*, totius *orbis* *exitium*
accerxisti.

JUL. *Ista* loqueris, quod *inideas* *gloriæ* *no-*
stræ,

stræ, dum perspicis quam *humilis* fuerit tuus
Episcopatus cum nostro collatus. PE. Audes im-
 pudens *tuam* gloriam cum *mea* conferre? Ta-
 met si *mea* gloria, *Christi* gloria est, non *mea*.
Primum omnium si mihi das *Christum optimum*
 esse, *verumque* principem *Ecclesiæ*, ipse mihi
claves regni dedit, ipse pascendas *oves* com-
 misit, ipse *meam fidem* suo *præconio* approbavit:
 te *pecunia*, te *studia* mortalium, te *fraudes* fe-
 cere *Pontificem*, si modo *pontifex* is appella-
 dus est. Ego tot *animarum* millia *Christo* lu-
 crifeci: tu tot in *exitium* traxisti. Ego *Romam*
 antea *Gentilem*, primus *Christum* docui: tu
Christiane jam *Gentilitatis* extitisti *magister*,
 Ego vel *Umbra* corporis sanabam *agrotos*, libe-
 rabam à *demonio* vexatos, ad *vitam* revocavi
defunctos, & quacunq; incederem *beneficiis*
 implebam omnia. Quid simile *tui* habuere *tri-*
umpho? poteram *verbo* quem voluisssem trade-
 re *Satana*: & quantum potuerim, experta est
Saphira cum suo *marito*, Tamen quicquid ha-
 bebam *Potestatis*, in *utilitatem* omnium con-
 sumpsi. Tu omnibus *inutilis*, si quid *poteras*, im-
 mo, & quod non *poteras*, ad publicam orbis
 perniciem vertisti. JUL. Demiror, cur in ca-
 talogo *gloriarum* tuarum non *hac* etiam addis,
pauperiem, *vigilias*, *sudores*, *tribunalia*, *carceres*,
vincula, *probra*, *plagas*, *cruces* denique.

PE. Recte admones, Nam *istis* de *rebus* ju-
 stius

stius gloriabor, quam de miraculis: Horum no-
 mine Christus nos iussit gaudere & exultare: ho-
 rum nomine nos beatos vocavit. Ita Paulus col-
 lega quondam meus, cum sua jactat facinora,
 non commemorat urbes armis expugnatas, non
 legiones ferro caesas, non orbis Principes ad bel-
 la concitatos, non fastus Tyrannicos: sed naufr-
 agia, vincula, flagra, pericula, insidias: hic est tri-
 umphus vere Apostolicus, hæc est gloria Christia-
 ni Ducis: Jactat ille quos ab impietate retraxe-
 rit, non quot ducatorum millia congresserit.
 Denique nos cum Christo perpetuū jam agentes
 triumphum laudibus prosequuntur & mali:
 Te nemo non execrabitur, nisi vel tui similis,
 vel adulator. JUL. Rem inauditam audio.
 PET. Credo, nam qui tibi fuisset otium Evan-
 gelicas evolvere literas, Pauli, measque Episto-
 las lectitare, tot legationibus, tot foederibus
 tot rationibus, tot exercitiis, tot triumphis
 occupatus? At cætera quidem Artes omnes ani-
 mum desiderant sordidis vacuum curis: Christi,
 vero disciplina, pectus requirit ab omni conta-
 gio terrenæ sollicitudinis purgatissimum. Nec
 enim tantus Magister è cælo descendit in terras,
 ut facilem aliquam, aut vulgarem Philosophi-
 am traderet mortalibus. Non otiosa, neque se-
 cura professio est, esse Christianum: voluptates
 omnes ceu venenum a spernari, Divitias perinde
 ut luxum calcare, vitam pro nihilo ducere, Hæc
 est

est Christiani hominis professio. Hæc quoniam
 iam intoleranda videntur, iis qui non Christi
 spiritu aguntur, ad inania quædam vocabula
 meraeque Cereimonias deflectunt, & factitio ad-
 piti Christi, factitium addunt corpus. Iul. Quid
 tandem mihi boni reliquum facis, si me nummis
 exuis, si Regno spoliās, si mendas fenore, si vo-
 luptatibus abdicās, si vita denique privas? PE.
 Quin tu igitur ipsum Christum infelicem pro-
 nuncias: qui cum esset omnium summus lu-
 dibrium factus est omnium: in paupertate, su-
 doribus, jejuniis, in fame vitam omnem pefe-
 git: denique morte omnium probrosissima de-
 functus est. Iul. Inveniet fortasse qui laudet, qui
 imitetur neminem, his sane temporibus. PE. At-
 qui hoc ipsum deniq; laudare est imitari. Quan-
 quam Christus non orbat suis bonis, sed pro
 falsis bonis, veris & æternis locupletat, sat non
 locupletat nisi prius omnibus huius mundi bonis
 abdicatis ac repurgatis. Ut ipsa vocis erat æte-
 stis, ita corpus suum, hoc est, Ecclesiam sui si-
 millimam esse voluit, e mundi contagiis ali-
 quissimam. Alloqui qui posset esse eadem cum illo,
 qui sedet in caelis, si terrenis adhuc fecibus im-
 mergatur? Verum ubi fuerit expulsum ab om-
 nibus huius mundi communibus, atque erit illud quod
 amplius est, affectibus. Tum denique Christus
 suas explicat opes: pro delictis mellis, immo
 multa alio cinctis voluptatibus, celestium
 gaudiorum

gaudiorum gustum impertit, pro viliſſis opibus longe praestantiores elargitur. JUL. Quas obsecro? PE. Ni tu vulgares opes putas, Prophetiae donum, donum Scientiae, donum Miraculorum, nisi vilem putas Christum ipsum, quem quisquis habet, in ipso possidet omnia. Postremo nisi nos hic pauperem agere vitam putas. Ita quo quisque in mundo est affillior, hoc uberius delictatur in Christo: quo in mundo pauperior, hoc in Christo locupletior, quo in mundo dejectior, hoc in illo sublimior & honoratior, quo minus vivit in mundo, hoc magis vivit in Christo. Verum eum totum corpus suum purissimum esse voluit Christus, tum praecipue ministros, hoc est Episcopos; & inter hos, quo quisque major est, hoc sic Christo similior, & ab omnibus mundi commodis expeditior & exoneratior. Nunc contra video, eum qui Christo proximus, atque a deo par haberi vult, omnium maxime rebus sordidissimis immerſum, pecuniis, ditionibus, copiis, bellis, sceleribus, ut ne quid interim de vitiis dicam. Et postea eum sis alienissimus a Christo, Christi tamen simul ad tuam abuteris superbiam: & illius praetentus, qui Regnum mundi despicit, mundanum Tyrannum agis: & verus Christi hostis exigis honorem Christo debitum: Benedicis aliis, ipse maledictus. Aperis aliis coelum, unde ipse procul exclusus est. Consecras execratus. Excommunicas, cui nihil est cum san-

Etis *commune*. Quid enim inter te & *Turcarum*
 interest *Ducem*, nisi quod tu Christi vocabu-
 lum prætexis? Certe mens eadem, consimiles vi-
 ta sordes, Tu major orbis *pestis*. JUL. At ego cupi-
 ebam *Ecclesiam* omnibus bonis exornatam: Et
 Aristotelem aiunt tres *bonorum* ordines consti-
 tuere; quorum quædam sunt *fortune*, quædam
 corporis, quædam *animi*. Itaque volebam bono-
 rum *ordinem* invertere. A *fortune* bonis cæpi;
 fortasse paulatim ad *animi* bona venturus, nisi
prematura mors terris me irripuisset. PE. *Pra-*
matura sane nempe *septuagenarium*, quanquam
 quid opus erat aquam igni miscere? JUL. Atqui
 si *desunt* ista *commoda*, vulgus nos non pili fa-
 ceret. Quin nunc quoque *metuunt* & *oderunt*.
 Atque ita tota *respu.* Christiana *collaberetur*, ni
 contra vim *inimicorum* sese *tueri* queat. PE.
 Imo si Christianorum *vulgus* conspiceret in te
 veras Christi *doctes*, nempe vitæ *sanctimoniam*,
sacram doctrinam, *charitatem* *flagrantem*, *pro-*
phetiam, *virtutes*: hoc te magis *suspiceret*, quo-
 à *mundi* *commodis* *inteligeret* *mundiorem*. Et
 Christiana *respu.* latius *floreret* si *puritate* vitæ
 si *contemptu* *voluptatum*, *divitiarum*, *imperii*,
mortis, *gentilibus* esset *admiranda*. Nunc non
 solum *contracta* est in *angustam*, verum etiam
 si *diligentius* *excutias*, plerisque *nomine* *dun-*
taxat *invenies* *Christianos*. Quæso te non *re-*
putabas tecum cum esses *summus* *Ecclesiæ* *Pa-*
stor,

stor, quibus modis nata esset Ecclesia, quibus aucta, quibus constabilita? Num bellis num opibus, num equis? Imo patientia, sanguine martyrum & nostro, carceribus, flagris. Tu Ecclesiam dicis auctam, cum humana ditione onerati sunt illius ministri: Ornatam vocas, cum mundi muneribus ac delitiis inquinatur. Defensam appellas, cum pro sacerdotum peculio mundus universus bellis perniciosissimis conflatur: Florentem dicis, cum mundi voluptatibus ebria est: Tranquillam, cum nemine reclamante, divitiis, imo vitiis fruitur. Atqui his bracteatis titulis Principibus imposuisti: qui te præceptore docti, magna sua latrocinia ac furiosos conflictus, Christi defensionem vocant,

JUL. Atqui ista nunquam antehac audivi. PE. Quid igitur docebant te concionatores? JU. Ab illis quidem nihil nisi meras laudes audiebam: phaleratis verbis mea præconia detonabant, me Jovem fulmine concutientem omnia, me verum quoddam Numen esse prædicabant, publicam orbis salutem: aliaque id genus permulta EP. Nec mirum sane, nullum exstitisse qui te cendiret: cum tu sal esses insulsus & fatuus. Nam id proprium Apostolici viri munus, alios docere Christum, idque purissime. JUL. Non aperis igitur? PET. Cuius potius quam tali pesti. Nam tibi quidem omnes excommunicati sumus. Sed vis concilium non malum: habes

manum hominum strenuorum habes pecuni-
am immensam : es ipse bonus adificator : ex-
 terne tibi novum aliquem paradisum, sed probe
munitum : ne possit à *cacodamonibus* expug-
 nari. JUL. Imo faciam quod me dignum est :
 operiar *menses* aliquot : & *auctis* copiis meis,
 vi *deturbabo* vos istinc : nisi in *deditionem* veni-
 etis. Neque enim dubito quin brevi sint ad me
 e bellorum stragibus *lx* hominum millia perven-
 tura. " Itaque si *Sapis* Petre, *aperias* nunc ul-
 " *timum* monenti. PE. Multum sanè *tua de-*
 " *bemus* *Clementia* (qua non admodum *incla-*
 " *ruiſti* in Terris) *fulguranti* toties antequam
 " *fulmines*, *monenti* priusquam *ſerias* : Ego ve-
 " *ro* *ſuaderem* (ſi me audis) ut iſti, quem *mina-*
 " *ris* *Exercitui Ducem* (quantivis *redimendum*)
 " *præficeres* *Hildebrandum*, Magum iſtum *Cr-*
 " *ſtoberrimum* Antecessorem tuum ; Nam Vi-
 " *nulla*, niſi *Magica*, *aperietur* tibi *Porta Cæli*,
 " *pater* *atri janua* *Ditis*. JUL. *Hildebrandus* ille
 " *quæm* loqueris (cætera ſive *Albus* fuit, ſive
 " *Ater*) Pontifex fuit *Optimus*, & de Eccleſia
 " *Romana* præclare *meritus*. PET. Ego tamen in
 " *Cælis* eum nuſquam reperio, num *tecum* eſt
 " *ad Portam*. JUL. *Intelligo*, quod non ſit mul-
 " *ris* *tecum* *Colloquendum*, nam aut tu non es
 " *Petrus*, aut ignoras, qui ſim *Julius Secundus*.
 " *Egon*, ut tu me *quaſi nihili* *Hominem* tracta-
 " *res*. *Vale*. Sed ad tempus, *brevi* *reducem*
 cum

cum *Copii* omnibus expecta. PE. Nempe sic
 solitum Valedicere *impurum Spiritum* præ-
 nunciavit in Evangelio *Salvator*. Sed eodum
Julii secunde, antequam hinc in imum quo
 abis) *Barathrum* præcipitere, dic paucis, &
 serio (nam hactenus facetus mihi *Histrion* vi-
 deris) unquamne te vel per *Somnium Spes*
 iussit ulla ingrediendi *Cælum*. JUL. Imo nulla
 unquam incescit *Animum Dubitatio*; Nam
 cur quæso *occludi* mihi *Cælum* posse spera-
 rem, qui tibi apud *Cælitus* agentis fuerim *Suc-*
cessor? Nonne *Pontifex Romanus Hæres* est
 Petro ex toto *Assē*. PE. Quia neque in ima
 Cera, Non tu Petro succedis, sed *Simoni*, non
 Apostolo, sed *Mago*; quid mihi tecum ma-
 gis commune est, quam cum *Julio* illo *Cæsa-*
re, olim etiam *Summo Pontifice*? JUL. Suc-
 cessorem omnes agnoscunt, & qui possim tibi
 Succedere nisi in *Sede*? quæ autem nunc re-
 licta mihi *Sedes*, est à te derivanda, nisi Por-
 tam aperias; ni *Barathrum*, fortasse quod mi-
 nitaris, *Sedem* vis esse *Apostolicam*. PET. Suffi-
 cit esse *Julianam*, & *Pseudæ Apostolico* non
 indignam; Interim tu videris arguere mecum
 Philosophari, quasi *Dialecticæ* non ignarus.
 JUL. Noris nos non ulque adeo *Bardi* sumus.
 PET. De *Eruditione* tua jam antè ex *Ore* tuo,
 plus satis audivimus, Neque tamen defuere
 tibi *Litteræ*, quando in *Charta* quadam *Bulla-*
 torpido.

" *ta pro Fiat subscriberes Fiat.* JUL. Quasi
 " vero *Minutias Grammaticorum* curare dece-
 " at *Pontificem Romanum*? Interim non hoc
 " subscriptum est ex *Cathedra*, quod sanè ve-
 " hementer doleo sic enim, Nemo *enjusunque*
 " *Ordinis, Status, aut Dignitatis*, etiam *Regie*,
 " contraire, contrascribere, aut contrahiscere
 " præsumperit, quin nouerit se indignatio-
 " nem *Omnipotentis Dei* incursum. PE. Con-
 " sulto omisisti *Indignationem Sanctorum quoque*
 " *Pauli & Petri Apostolorum* in *Formula* ista,
 " uti fertur, *vibrari* solitam, ista enim plusquam
 " *Bruta Fulmina* pro animi *Libidine*, & *furiali*
 " *Impetu* projicere, nunquam te ipsi docuimus.
 " Tu vero (ut ad *Institutum* redeamus) qua-
 " lem tibi singebas *Cælum* esse *Locum*, aut quo-
 " modo *tempus* ibi fallendum putabas, si in *Cæ-*
 " *litum* (quod impossibile est) *Chorum* exci-
 " perere? JUL. De *Loco* rogas? *Cælum* putabam
 " (uti insuper quicquid uspiam est *Loci*) Pon-
 " tifici Romano pervium; nec velim te uimis
 " sollicitum esse de *Tempore* meo illic transi-
 " gendo. Nunquam mihi *tempus* otiosa *Mera*
 " est, nisi quod hic, ut video, tecum *Sermoci-*
 " nandi perdam: sed quæ quæso, causa *Dubii*?
 " PE. Omnium sanè *gravissimam* hic prorsus
 " in *alieno* languesceres *Elemento*, istarum pro-
 " secto *Rerum* nihil quicquam reperturus, quæ
 " te totum habuerunt in *Terris*. JUL. Qui sic
 " obsecro?

" obsecro ? PE. Etiamnum rōgas ? Cum Con-
 " summatis hic Justorum Spiritibus (non tui
 " Calendarii Sanctis pura ineunda Conversatio ;
 " Sanctum hic cum beatis Angelis intercedit
 " Commemciū : Ineffabile super omnia cum Deo,
 " & Christo ejus hic Consortium colitur ; Ex
 " hisce denique omnibus defecata hic prorsus
 " percipiendæ Voluptates, & purissima veniunt
 " perfruenda Gaudia. Gaudia tamen iis, qui-
 " bus parantur (iis verò universim omnibus per
 " quam accuratissime) Consona solum & accom-
 " moda, sincera scil. Sanctimonia imbutis, non
 " prorsus re ipsa impiis, licet inani forte Sancti-
 " tatis titulo ornatis. Quinimo fac aliis, Scel-
 " eratis nimirum, cuique præsertim similibus,
 " concessa ; tantum profecto abessent ab Ani-
 " mis divina inde Lætitia perfusis, ut in Tor-
 " menta istis plusquam Tartarea, Cœlestia eti-
 " am ipsa verterentur Gaudia ; cum Amoris
 " basin, & delectationis sentiamus Similitudinem,
 " Adversam rerum Indolem Odii, & An-
 " goris experiamur Fundamentum : Nullæ, &
 " regione, hic Loci evertendæ sunt Respublicæ ;
 " nulli Principes sub pedibus Conculcandi, Nulli
 " Hostium sternendi exercitus, Splendidi nulli de
 " Stratis hostibus adornandi Triumphi, Fideles
 " Christi Confessores (chara Deo capita) nulli
 " sub Hæreseos prætextu ad Sanguinem usque
 " Cademque

Et *eademque* persequendi; Nullus, cui infideat;
 Pontifici Romano erectus *Thronus*; nedum
 purpurati *Thronum* quaquaversum circum-
 fusi *Cardinales*, Nulli *Canonista*, qui te (incar-
 natum modo *Diabolum*) Dominum Deum su-
 mum in *Cælis* etiam constiterent ipsi & cole-
 rent; cultumque *Divino* nibilo minorem ab
 aliis præstandum exposcerent; *Fiscus* nullus
 papalis, quo miserè emuncta malis artibus *Ec-
 clesia* omnes undique confluerent *Divitiæ*;
 Nulli *Ludi Scenici*; *Theatrici*, nulla *Specta-
 culi* primpai; nulla aut *Gula* aut *Ebrietate* *Ge-
 nui Indulgentia*; *Scorta*, *Cinædi*, *Ganeones* nulli;
 nullus *Libidinis Arbiter*, nullus *Minister*, *Ista-
 rum* denique *obscenarum* nulla *Voluptatum*,
 in quarum *Luto* tu, qui totus *Lutum* es, &
Sordes, improbè (si quis alius) expertus probe
 nosti *volutantes* planè, & demersos *universa-
 lis* qui se dici volunt *Ecclesia* *Episcopos*, GE.
 Si ita res habet, mea quidem *sententia* confer-
 stim abeamus; nosti enim te aliis rebus (ut
 pòte minime *assuetum*) miniatè *delectari*. PE.
 Tace *Genie*, nondum tuæ sunt *verborum* vires.
 GE. Mox erunt. PET. Sed nonne hoc tibi
 totum prædixerat *Sacra Scriptura*. JUL. Quam
 mihi loqueris *Sacram Scripturam*? PE. *Ca-
 nonicam*. JUL. *Decretorum* nempe, & *Decre-
 talium* intelligis puto. PET. Vabrigas *diabo-
 llam* dictante *Spiritu Sancto* exaratam. JUL.
 Oh!

"Ohi! *Biblia* quæ vocant. (nam ego nunquam
 "de facie novi) certè odio mei mox, credo,
 "transibis in castra *Hereticorum*; sic enim loqui
 "amabant *Leonista*; amantque, si qui nunc die-
 "rum sunt parum *Catholici*. Nunquam ego
 "placide ferebam istos *Biblistas*, neque vel ex
 "Commodo, vel Dignitate Sedis est *Apostolica*
 "(quod miror nescire *Petrum*) istos quoquo
 "modo tolerare. Sed quousque finis me hic ad
 "Portam in pedum meorum (quos etiam *Reges*
 "exosculati sunt) digitis frigidescere? PET. An
 "ergo friget? Abeas itaque, non ad fictitia tua
 "Regna, pictosque purgatorii Ignes, unde pro
 "fucata, nescio qua, potentia Plenitudine, ad
 "libitum te liberandi (lusis toties aliis) semet
 "tandem ipsum vana spe ludas. Sed ad verum
 "abeas, æternumque ignem tibi cum Diabulo &
 "Angelis ejus paratum, jam calefces plus satis.
 "GE. Conclamatum est, uti vides, quid hic am-
 "plius moras ducimus. Nam innuit mihi jam-
 "pridem meus Imperator, & Baculum movet,
 "jam meæ sunt loquendi, agendique etiam vices.
 "JVL. Male, Pessime Genie quo trahis *Julium*?
 "Si fas esset redire *Romam* (imo si ad Sedem
 "modo *Porphoreticam*) ut ego te *Diris* omni-
 "bus devoverem etiam (non obstante *Petro*)
 "sub Annulo *Piscatoris*? quin & omnes contra
 "te Principes *Catholicos* (dictum factum, concii-
 "tarem. GEN. Bene equidem habet quod fu-
 "rioso

Miraris tibi nunc primum desit Gladius. JVL. fū-
lio vis insertur, Julio Papa Secundo; Nemon
in Auxilium? Centum Mille Annorum In-
dulgentias ex Plenitudine Apostolica omnibus,
& Singulis, qui — GEN. Vah ut nunc deli-
teras Miser! fabulosas Purgatorii poenas aliis la-
xandas tuæ, à diris imi Tartari cruciatibus;
Redemptionis pretium pollicens; Viden' ve-
ro furvos istos in propinquo obviam venien-
tes famulos? JVL. Cacodemonas proculdu-
bio; Oh! succurrite, succurrite — GEN.
En vobis, qui vester est, Julium Secundum
Pontificem Romanum.

Ad JULIUM.

Miraris clusum, Juli tibi Maxime, Cælum?

Projetas Claves en Tyberinus habet:

O quantum Gladio, Clavis nunc prestat acuto,

Et Piscatoris Penula trita Sago!



Hoc Tetrasticon Buchananò alii,
alii Conrado Grebelio tribuunt.

Genna cui patrem, Genetricem Græcia, partum
Littus & unda dedit, hic bonus esse potest ?
Fallaces Ligures, mendax est Græcia, Ponto
Nulla fides, hæc in singula, solus habes.

Carmen isthoc Iambicum adjectum
erat à fine Dialogi cum pri-
ori Epilogo prodeuntis.

Julius obit, cælum petit, nanciscitur (tisef.
Petrum; ut clues ? summus ego sum, inquit, Pons
Apagesis, hic nullus stuvius, band pontibus
Quicquam est opus : abiit, recipit se in domos
Plutoniæ, huic obvius factus Charon
Quo tendis insit, quis, quod aut nomen tibi ?
Hæc Julius. Ego Pontifex ut (antea hæc)
Siccine ? facessas, hinc citùs, neque enim feram
Fluminibus infernis novos pontes strui ;
Sic pensitari consuetum perdere

Nautum

*Naulum? recede Coccyto aut emergitor.
 Quid facias aut qua se recondat pergula,
 Vesana sanctitas: polo arceri hospite
 Erebiq; furvis insulis excludier,
 Ignoto priscis, & reperta nullibi
 Animi dubium invisa confinxit loca,
 Illique Purgatorio nomen dedit.*



FINIS.



